



الأعمال الكاملة

جوابات
دراجي القط

عبد الرحمن أبو عيسى

الأبنودى، عبد الرحمن، ١٩٣٨ - ٢٠١٥.
جوابات حراجى القط/ عبد الرحمن الأبنودى.
- القاهرة: الهيئة المصرية العامة للكتاب، ٢٠١٧.
١٧٦ ص: ٢٢ سم. - (الأعمال الشعرية الكاملة)
تدمك ٣ ١٠٦٥ ٩١ ٩٧٧ ٩٧٨
١ - الشعر العربى - تاريخ - العصر الحديث.
٢ - الأبنودى، عبد الرحمن، ١٩٣٨ - ٢٠١٥ - المؤلفات الكاملة.
أ - العنوان.

رقم الإيداع بدار الكتب ٢٦٧٧١ / ٢٠١٧

I. S. B. N 978 - 977 - 91 - 1065 - 3

ديوى ٨١١.٩

حقوق الطبع محفوظة للهيئة المصرية العامة للكتاب

يحظر إعادة الطبع أو الاقتباس من المادة المنشورة دون إذن كتابى مسبق

[illegible]

مجلس الشورى
البحرين

مكتبة لبيبا
بمكتبة لبيبا

1940

1. 1. The first part of the book is a
2. The second part of the book is a
3. The third part of the book is a
4. The fourth part of the book is a
5. The fifth part of the book is a
6. The sixth part of the book is a
7. The seventh part of the book is a
8. The eighth part of the book is a
9. The ninth part of the book is a
10. The tenth part of the book is a

عبد الرحمن الأبنودي

جوابات مراجعی القط

جوابات مراجعی القط

الأعمال الكاملة

رئيس مجلس الإدارة
د. هيثم الحاج على

رئيس التحرير
د. أحمد مجاهد

مدير التحرير
جودة رفاعى

تصميم الغلاف
الفنان: د. خالد سرور

التنفيذ والطباعة،
الهيئة المصرية العامة للكتاب

"الأعمال الكاملة" سلسلة تعنى بنشر
الثقافة الأدبية الرفيعة لكبار مبدعينا
تصدر عن الهيئة المصرية العامة للكتاب
وزارة الثقافة

الآراء الواردة في هذا الكتاب لا تعبر بالضرورة عن وجهة نظر السلسلة وإنما تعبر عن رأى كاتبها

المراسلات بأسم السيد رئيس التحرير - الهيئة المصرية العامة للكتاب - كورنيش النيل - القاهرة

Email: info@gebo.gov.eg

ت: ٢٥٧٧٥٠٠٠ - ٢٥٧٧٥٢٢٨

مقدمة الطائفة الأولى

عبد الرحمن الأبنودي

الأعمال الشعرية الكاملة

[١]

جوابات مراجعي القط



الهيئة المصرية العامة للكتاب

٢٠١٧

مُقَدِّمَةُ الطَّبْعَةِ الْأُولَى

لم يعد الشعر متعتي بل أصبح سبيلاً للشقاء ، إن كتبناه أو قرأناه أو
حصدنا ثماره.

بصعوبة يأتي بل هو لا يأتي وتمر أحداث جسام تزلزل، وتتأرجح
أمامك القصيدة كجزرة جمل الساقية فلا أنت بالغها ولا بمستطاعك
إنكارها أو تحاشيها وإن كنت طوال الوقت تتوق للذة بلوغها والاستمتاع
بها عبثاً.

إذا أتى الشعر فيمشقة ، فلم تعد أعمارنا بقادرة على مداهناته القاسية
وسادته المؤلمة ما يوقع بروحك الإحباط وقسوة اليأس إلى أن تكتمل
القصيدة.

إذا قرأتها بين أهلك تستشكل عليهم، ويصعب التواصل، ناهيك عن
هؤلاء الذين يدور حواريوهم بها دليلاً جديداً على تخلفك وتخاذل
أفكارك ومواقفك.

لم يعد الشعر مبهجاً للطرفين ، لذا فقد الكثير من دوافع الصبر له
والصبر عليه .

ففي فترات الأمل غنيماً بل وسجلنا لحظات الحزن والفرح ، وارتطام
الحلم بحلم آخر :

لم نكن مستنيرين إلى هذا الحد ، وربما كان ذلك أهم أسباب
اندفاعاتنا للكتابة.

تغيّر العالم كما تنبأنا في الأشعار، وسين تغيّر اجتاحنا التغير الذي أقمنا
أمامه الستور والسدود والسواتر دون جدوى..

وجاءنا عصرٌ للتأمل مدفوع الشمن.
صمّت شعر العامية ورحل شعراؤه أحياء وأموأنا فعلى ما يبدو أن هذا
النوع من الشعر معلق بمصائر الكون ومفارقاته وتربطه بتلك المصائر
أواصر.

الآن وقد جفت البرك وظهرت الأسماك على وجه الوحل، لم يعد
الصياد النبيل بقادر على إلقاء بوصته ليستبدلها بالغزف بالكقوف، وملء
الحجر بسمك الوحل.

تلك الظاهرة التي آنست الكون عبر العصر النضالي، صمّت رويدًا
رويدًا باختفائه رويدًا رويدًا.

(كل الكلام عجيب)، لا طعم لا رائحة ولا ضوءًا صميميًا لعلاقات
بشرية كونية.

هذه قصائدي، موغلة في قدمها، قدّم يشارف على الاختفاء من
الذاكرة وربما الضمير.

اقرأها واذكرونا بخير.. أزاح الله الغمة ونزع السواتر عن أبصارنا حتى
نعود أطفالاً لهذا العالم، فربما وضعنا أيدينا مرة أخرى على أسرار
المُغزاة، واستعدنا البساطة التي أمدتنا بكل ذلك..

لكم جميعًا - يا من لا أعرفكم - أهدي هذا الجزء من أعمالي
الشعرية الكاملة بكامل إرادتي.. ومحبتي طبعًا.

عبد الشخبز الأبنوكي

الإهداء

إلى "مراجى القط" .. الذى بنى السد العالى

والى "فاطمة" ..

التي انتظرت ..

والى عزيزة وعيد ..

أبناء التعب .. وأصحاب القد ..

لجيد محمد السعيد غردى

جوابات

الأوسطى مراعى القط

العامل فى السد العالى

الى زوجته

فاطمة أحمد عبد القفار

فى جبال القفار

الجوهره المصونه
والدره المكنونه
زوجتنا فالحنه احمد عبد الفغار
يواصل ويسلم لها
فن منزلنا الكبار في جلايه الفغار



أما بعد ..

لَذا كنت هاوِذت كسوفي ع التأخير ..

واللهي ما كنت حاخط بيدي حرف ..

ساحيني يا فاطنه ف طولة الغيبة عليكم .

وانا خجلان .. خجلان ..

وأقولك يا زوجتنا .. أنا خجلان منكم ..

من هنا للصبح ..

شهرين دلوقت ..

من يوم ما عنيني يا فاطنه ..

بلت شباك القطر ..

لسوعتي بدمعك ضهر يدي ..

لحضتها قلت لك :

« قبل ما عوصل عتلاقي جنواي جي .. »

نهنتي .. وقلتي لي بعتاب :

« النبي عارفك كداب .. »

نساي ..

وعتشي أول ما عتزل في اسوان .. »

ما عرفت ساعتها يا مَرتي أضحك والآ ابكي ..

ما عرفت ساعتها إذا كنت باعوز القطر يقف والآ يولي ..

حسيت بعينيكي الحيران يا فاطنة بتقوللي ..

وتسكت..

وتقوللي..

حسيت - واليد بتخطفها يد الجدعان -

بالقلب ف جوفي ما عارف ان كان بردان .. دفيان ..

والبت عزيزة والواد عيد ..

قناديل في الجوف .. زي ما بتضوي .. بتقيد ..

... .. والقطر اتحرك ..

وقليبي بيتنقل من يد .. لايد ..

والقطر بيصرخ ويدودو

اتدللت بوسطي من الشباك ..

(خدي بالك م الولد ..

راعي عزيزة .. وعيد)

والقطر صرخ ورمح لكائه داس على بضة نار ..

ولقطت الحس قريب .. قد ما كتتي بعيد :

(قلبي معاك يا حراجي هناك ف اسوان ..)

ورميت نفسي .. وسط الجدعان ..

وبكيت ..

وبلدنا اللي كنا بنمشيها ف نص نهار ..

كان القطر ف لحضة .. فاتها بمشوار ..


سأخيني يا فاطنة ع التأخير ..
ولو الورقة يا بت الحال تُكفِّي ..
لأعبي لك بحر النيل والله بكفِّي ..
كلام .

وختامًا ليس ختام ..
بابعت لك
ليكي ولناس الجبلية ولبني عزيزة والواد عيد .
ألف سلام .

زوجك
لوسطى حراجي

ملحوظة :
إكتبي ع المظروف ..
أسوان ..
زوجي العالي ..
لوسطى حراجي القط ..
العامل في السد العالي ..

مكتبة جامعة القاهرة
مكتبة جامعة القاهرة
مكتبة جامعة القاهرة
مكتبة جامعة القاهرة



زوجي حراجي ..
فوصلنا خطابك ..
شمينا فيه ريحة الأحباب .
ربنا ما يورّي حد غياب .
مش أول مرة البسطاوي يخطي عتّة الدار؟؟
عمرنا يا حراجي .. ما جالنا جواب .
النبى ساعة مرزوق البسطاوي .. ما نده ..
كده زي ما كون ... دقّت في حشايا النار ..
وكان العمر بيصدّق ... بعد ما كان كذاب ...
اتأخرت مسافة كبيرة كبيرة عليّ
عارف فاطنه يا حراجي لاليها عايل .. ولا خي .
ليه تتأخر كده يا حراجي ..؟
طب والنبى وكان ورقتك دي
أول قنديل يتهزّ ف جوف الدار .
أول ندعة ضو .
الدار من غيرك يابو عزيزة .. هو .
وعزيزة وعيد ..
من غيرك يا حراجي
زي الشّما في العيد .
الواد على صغره حاسس بالغبّة وبالبعد .
ولا عاد حتى بيطلع يلعب في القمّارى مع الولد .

اطلع وخش .. اطلع واخش القاه .. غيمان .
وكمانه محروق له دكان ..


ويقوللي : «فين يامه أسوان ..؟»
وابا .. سابتنا ليه يامه؟ ما يمكن زعلان ..؟»
شهرين يا بخيل .؟

ستين شمس وستين ليل .؟
النبي يا حراجي ما اطول قلبك
لاقطع بسناني الحته القاسيه فيه .
.....

كل الجبلاية تسلم فردا فرد ..
م الحاج «طلب حامد» لـ «غيلة بيت علي سعد» .
وانشا لله يا حراجي ما يوريني فيك يوم
وانشا لله تكون اتعلمت ترد قوام .
وما دمننا احنا راسيين ع العنوان
والله ما حنبطل بعتان ..
مفهوم ..

اسوانه
زوجي الغالي
لاوسطى حراجي القط ..
العامل في السد العالي .

زوجتك فاطنه أحمد عبد الغفار
جبلايه الفار



أما بعد ..

فهذا تاني خطاب ..

باعتين طيِّه ما قدرنا المولى عليه ..

وعنبتلك في ظرف الجمعة .. طرد

الطرحه والجزمة بتوعك ..

وكساوي عزيزة وعيد .

دوّرت الحسبة ف راسي وقلت يا واد يا حراجي ..

هوه يعني قانون العيل ما يدوقشي الكسوه ..

غير في العيد ؟

أمال كيف العيل حيحس بابوه جنبه

إذا كان الأب .. بعيد ..؟؟

بقي أول ما دلّقنا يا فاطنه بابور السد على محطة إسوان

أنا والجدعان

حسيت بالدوخة

مش أول مرة باسيب جبلاية الفار ..؟

رحنا المكتب ..

طلّعنا البطاقات ..

ومضينا على الورقات

آه يا «فطاني» لو شفتي الرجاله هينة ..

قولي ميات .. أوفات ..

بحر من ولاد الناس ..

إلي من «درجا» والي م «البتانون»

واللي من «أصفون» و«التل»

جدعان .. زي عيدان الزان .. سايين الأهل .

وتطلّي ف عين الواحد يا ولداه ع الغربة .

عارفه يا مرقى الرجل في الغربة يشبه إيه ..؟

عود دُره وحداني .. ف غيط كُمون .

حسيت بالخوف ناشع في عروقي زي البرد .

قضينا الليلة الأولانية في أي مكان .

العين مشقوقة ..

والبال ..

زي الغلة الي بتسرب من يد الكيال .

وندهت عليكم قلت : يا فاطنه أنا باندّه

سامعاني ؟

سامعيني يا عيال ؟

النبي لولا الخوف واللومة من الرجاله ..

لازكبت القطر وعدت

قبل ما اروح لموظف

قبل ما اردّ سؤال .

وقعدت أعقل نفسي واقول : يا حراجي يا بوي

أمال جيت ليه ؟

الخائف م الغربية ما يجيش

اتحمل علشان كسوة عيد .. ورغيف العيش

لكائنك ياخي رحت «الديش»

من خوفي يا مرقي

قعدت أهدي الرجاله .

فاطنه ..

أول ما تُفكي الخمسه جنيه

إطلعي ع الفور ..

واذي حساب «عمران» وجنيه «بمبه الصباغ»

والباقى زيجوا بيه القارب

لما يعدلها الرحمن

سَلَمي ع الولد .. وع «الحاج التايب» ..

بلا كتر كلام

سَلَمي على كل اللي لينا فيهم تايب ..

واوعي يا فاطنه لما ارجع وأبص ف وش اللولاد ..

أعرف إن أبوهم كان غايب ..

واحنا هنا بنستنى الجوابات بفروغ صبر

طول ما الجوابات رايحه وجايه ..


إعتبري كماني باجي أشوفك ..

راجي.

زوجك

لوسطى حراجي

جوابات حراجي القط



وصلنا الطرد وجانا المبلغ يا حراجي ..
أحياك الرب وأبقاك ألفين عام ..
ولا عاد يقطعلك عاده ولا جس ..
ولا يقفل لك كف ..
ولا يطوي من قدامك سجادة الخير والسعد ..
أما بعد ..

فاحنا وزعنا المبلغ زي ما قلت ..
ولعلك ما تشغلشي نفسك بينا وأبقى ف راحة بال ..
إحنا يا حراجي - بعد الشر - ان ضاقت بينا الحال .
يكفيننا ريال ..

كفايه علينا البسطاوي الضهر يخطي عتبة الدار
امبارح .. جانا « الشيخ قُرشي » .. وخبّط ع الباب ..

جه ساعة المغرب

قاللي لا بدّ ما نبصّ لعيد ..

قاللي : « يا بت المرحوم ..

الواد لازمه الكتاب

يوم السوق ..

إتدلي هاتي له قلمين بوص .. ودواية .. ولوخ ..

وضحك .. بعدين قاللي : « لا حسن يطلع لوح »

وانا بيني وبينك يا حراجي عاوزاء يكبر

ويعرضنا عن الأهل ويعمل لنا قيمه ..

عاوزه تكون قيمته ف جبلاية الفار قيمة القيمة ..

اللي بتقوله عن أسوان يابو عيد ..

حكاية ولا حكايات أبو زيد ..

هيا يعني .. مش زي بلدنا ..؟

أمال ناسها بيسووا إيه ..؟

ما بيشتغلوش ليه ؟

وانت .. طول عمرك راجل صاحب فاس

فهمهاني دي

لاحسن عامله في راسي زي الخطه ..

كيف صاحب الفأس يصبح أوسطى ..؟

صاحبك «تكروني» لما أتى بالطرد ..

شيعنا معاه الموجود ..

في الليل يا حراجي تهفّ عليا ما عرف كيف ..

مهفان القهوة .. على صاحب الكيف ..

وساعات ..

أمد إيديا في الضلعة

ألقاك جنبي.

طب والنبي صُنع ومش باكدب يا حراجي .

وباحسن معاك ان الدنيا لذيده .

كيف حال «عبد العمال التايه» و«علي ابن عباس»؟.

وقولي يا حراجي ..

بتاكل كيف ؟ وبتليس إيه ؟ وبتقلع إيه ؟

بتنام فين ؟

قاعد في المطرح مع مين ؟

مين اللي بيغسلك توبك

وبتسبح فين .. ؟

في نهاية القول ..

انا راح أشيع عندك الكتاب ..

فا بعث له وَوَصِيَّه على شد الحيل ..

وجميع الناس في الجبلية

عايزين لك كل سعادته وخير .

وبيتمنولك تاني ترجع في سلامه ..

تعمر مصطبتك ..

وتقيد اللنزه في الدار ..

زوجتك

فاطنه أحمد عبد الغفار

جبلية الفار

الجوهره المصونه
والدره المكنونه
زوجتنا فالحنه احمد عبد الغفار
يوسف وليسام ليها
في منزلنا الكاين في جبلايه الفار



مشتاق ليكي شوق الأرض لبّل الريق ..
شوق الزعلان .. للنسمة .. لما الصدر يضيق
مشتاق .. وامبارح ..

قاعد .. قدامي عرق حديد .. وف يدي الفخار ..
غابت عن عيني الحته اللي انا فيها .. وغابوا الانفار
تحت الانفاق.

الضلمه يا فاطنه

بتساعد على سحب الفكر ..

تلاقيكي ولا عارفها لانفاق.

ولقيت نفسي يا فاطنه طيره مهاجره

والطيره جناحها مختار

ولقيت نفسي على بوابة جبلاية الفار ..

باخذ الأحباب بالحضن

كانس كل دروب الجبلاية بديل توبي

طاوي كفوفي وباخبط بيهم على صدر الدار

قلتي لي مين ؟

مسيت الدمعه ف حزنك بايدي.

مسيت الدمعه اللي ف حزنك ..

ما عرف خدتك في حضاني ولا انتي خدتي في حضنك

وعزيزه وعيد حواليا يشدوا الجلايه

ويشمواف غيبيتي وفي إيديا ..

وقعدت بيناتكم.. وبكيت.. وضحكت
لما لمحت عصائتي وتوبي.. وفاسي.. ومداسي
يمكن ساعة.. وقف اللّمهنس على راسي..
ولمس كتفاتي بصابعه.. قمت لفوق..
طبطب على كتفي..
وخذني من يدي بره النفقات في النور..
ضيعنا نص نهار.

وسألني.. قلت الشوق
قاللي اسمع يا حراجي أقولك..
ويا فاطنه قعد يحكي ويتكلم..
ألْقَط كلمة وميّة تروح..
وكلام م اللي يرد الروح..
وحكى لي عن أسوان والسد..
وحكى لي عن الفرنج وعن حرب المينا..
في الجوابات الجاية يا فاطنة عاقولك واحكي لك
أما عن نفسي.. فانا لا بخيل وال شّي
كيف اللي ف قلبي بس يا ناس.. أرويه في جواب..
أما عن عيد..

فانا من بدري يا فاطنه قلت يروح الكتاب..
وأقل ما فيها..
عيفك الخط ويحفظ له كام سورة
والامر ده بس يا فاطنه يعوز شوره..
؟

على خيرة الله .

ووصلنا فطيرك ..

قعمزت ما بين الرجاله وكلناه ..

يعني انا دقته ..؟

والنبي بعنيا قعدت اتفرج ع الرجال بياكلوه

كنا طالعين م الشغل نُشّر عرق ..

بت يا فاطنه ..

النبي في الدنيا .. ما فيه واحده بتسوي فطير زيّك ..

شفّت ده في عين الرجاله .

سلاماتي لكل اللي يقولك شحوال حراجي

وسلامي لعزیزه وعيد ..

أمانه عليكى لحين ماجي .

زوجك

لوسطى حراجي

اسوان *
زوجي الفالي *
لاولس حراجي القط
العامل في
الحسد العالي



أما بعد ..
فنعرّفكم .. إحنّا بخير ..
ولا يلزمنا إلا رؤية وجه الغايين ..
«مرزوق البسطاوي» .. مرثته وضعت .. حذفت ولدين
وجوابك وصل الجبلالية امبارح ..
لكن مرزوق .. ما سرحتني غير اليوم ..
وماذونتوف صحة وعال ..
إحنّا ما يلزمناش .. أكثر من ورقة ف ظرف ..
ناس الجبلالية كبيرًا وصغيرًا عاوزين رؤياك ..
قوللي يا حراجي بحق ..
عامل كيف بس ف ليل الفرقه ..؟
واللهي ما خش دماغي حاجة من اللي كاتبه ف الورقة
ويا خوفي عليك ..
بيقولوا فيه ناس .. ماتوا في اللي اسمه السد ..
طمّنا عليك يا حراجي ..
أيام غيبتك
عاضية على العد.

قسّمنا مع بيت العطار.. بلح النخلة الشّرك..
إذا كان لازمك منه يا حراجي.. ابعت قول..
مش راح تاجي..؟
طالقالك في البيت قُروج..
علشان لما تعودم الإسوان دي.. تلاقي لك حتة لحم.
وام «علي اب عباس» مشغوله عليه.
بدري ما راسلهاش ليه..؟
أهي طول اليوم.. قاعده ع العتبه إيد على خد..
وماسكه عود قش بتبكي وتخطّط في تراب الدرب..
طمّنا عليه يا حراجي يرضيك المولى.
وإذا كان عال وف خير..
الضحك مع الجدعان..
والآرسالة لامّه المشغوله أولى..؟
قلب الأم ان اصابه الشوق يا بو عيد..
يبقى اسخن من رمل القيّاله لما يقيد.
يبقى كإنه عش خراب ييسرّخ على طيره.
وعلي اب عباس عراف ان امه..
مالها في الدنيا غيرّه.
وامبارح كانت وسط الحريات..
قاعده تمسح دمعته.. ف طرحتها ونقول:
اللي مانعني من الموت..
اليوم اللي أشوف «علي» فيه متهني وفاتح بيت..
يومها أقول للدنيا ضحكت عليك

خلاص غوري.

قولله يشيع يا حراجي.. الناس زعلانه..

كل الجبلالية واخذه في خاطرها منه..

وامه عنیہا کستہا الدخانہ.

أختك «نظله»

رجعت بیت الحاج رکابی امبارح من (جرجا)

قالت جايه تريخ عند خالاتها وحتولد في اللي

يا حراجي.. جوابك بيرد الميه للزور الناشف و


ده احنا عايشين هنا السيره ..

وزادنا الاخبار.

زوجتك

فاطمة أحمد عبد الغفار

جبلایہ الفار



قولي يا فاطنه لّي بنقوللّه ولي ما بنقللوش..
الدنيا مش عيش بس ولا قروش
ولا غطيان وفروش..
قولي يا فاطنه للكل..
ان احنا كنا هبل..
وضيعنا العمر فاشوش..
حتقولي عليا اتجنيت والا عييت
وباريتني مارحت الداهية الي مسميتها اسوان..
ولا كنت طلعت من البيت..
لا يا فاطنه الي بيقول القول ده..
هو حراجي آياه..
بس الي قلب راسي يا فاطنه مش سهل..
طب وحياة اولادي ساعات اصحى في الليل..
عيني تتمطّ يا فاطنه وارقبكم بين النجم..
واعرف ان احنا ما كناش اهل..
طب كيف اهل يا فاطنه!!
وحياة اولادي يا بت الخال حتجن..
كيف اهل..
«ونبيهه بتّ المنزوع..
مره اتشاكلت قدامي مع «ام الملوي»..
واتفتح الموضوع..
وتقوللها يا حزينه يا لّي أبوكي مات م الجوع.

والدنيا يا فاطنه في البر الثاني..

قاله الدنيا؟

ما هو ده اللي معفرتلي كياني..

ومدوّر لي راحة راسي

ومخليني زي ما اكون واحد ثاني..

«نبيهه المنزوع» في البر الثاني من الدنيا..

لبست بدله يا فاطنه سامعاني؟ لبست بدله

ونزلت وسط المكن المتخبل تربط ونخل.

احنا يا فاطنه فين م الدنيا..؟

فين مخ الدنيا الجبار ..

ما عرفشي كيف جبلاية الفار ..؟

ليه ام علي أب عباس ملحوده حداكي في الدرب..

وقاعده تخطط في تراهه وتعدّد؟

يا أهل الدنيا.. ام علي أب عباس بتعدد وبتبكي..

لإن علي قاعد وسطينا..

طب تاجي تبص ف وشه

والنبي بقي زي اللي بيسوقوا مراكب شحن ف بحر المينا يا ناس.

ينعل ام علي اب عباس واللي جاب ام علي اب عباس.

ده الراجل من كتر اللي شافه بقى شعره ابيض.

وقال .. يكتب جوابات..؟

خليها هيه ف حالها هناك وسط الحريات

دلوقت يا فاطنه.. مش قرشينها بيجوها..؟

خلاص.

دلوقت علي ابن عباس سُكّري؟. حشاش؟

م الصنف اللي بيغوى النسوان؟

ده حتى بطل دلوقتي كرسي الدخان.

وحكاية الشوق الزايد الحد ده.. ممنوع.

سيك من غربة جوزك واستنهي للموضوع.

ده انتي يا فاطنه نبيهه.

وان عيد اتعلم بكره..

وقرا حكايتي في الجرائن..

يبقى عندك علم.

طب والنبي من جهة الهذه.. منده..

لكن راس الواحد زي ماكون بتلف ف حلم.

أما حكاية كيف صاحب الفاس يصبح أوسطى..

مبسوط أنواع اللي عامله ف راسك زي الخطبه.

يبقى برضه رجايًا متصان..

وضروري ماشيه يا فاطنه ف سكة فهم.

لَقِي العيايل في الليل م البرد..

ويقدّرني على ما تحش الشتويه أنقي لي حرام صوف.

شدي حيلك مع نفسك وولادك إعملي معروف..

واما يعدّها المولى حناجي.

زواجك

لوسطى حراجي

اسوان *
زوجي الفالي *
لاولس حراجي القط
العامل في
الحسد العالي



أما عن ان احنا بتتشوق لك فاحنا بتتشوق..
والشوق في قلوبنا ناسس نَسَّان.
ولا يمنعتاش من شوقنا ليكم حتى قطع الخطابات.
هيه اللي حبلت بالواد..

تقدر برضه جوزها يغيب والّا ولدها.. وما تشوقش..
ده يبقى قلبها اسود من قلب قزازة الكحل.
يا سلام والله يا حراجي يا سلام.
ليه غايب ليك يوم والّا ست تيام..
ده احنا دخلنا ف رابع شهر
والايام تقلانه عليّا يا بوعيد.
وحكاية الشوق دي لا في الإيد
ولا ليها مواعيد.

وماله طب لما انتو تشتغلوا هناك
واحنا هنا نشتا؟
إحنا عاجبنا شوقنا ليكم أحسن م الانفاق.
ويقوللي قال:

تلاقيكي ولا عارفه الأنفاق..
طب مش عارفاها.. وأديني قلت.
يعني معرفتي ليها حتزودني دراع؟
وكلامك في ام علي اب عباس صعب

لكن لما قالوا امبارح ان البسطاوي في الدرب..

طلعت اجري قلت حراجي بعت لي جواب..

وطلع من «علي» قلت يا ما انت كريم يارب. *بعض الناس* *بعض الناس* *بعض الناس*

بصيت لك في السر ولولوت ودانك.

ودعتك ام علي اب عباس..

قالت دلو قتي لولا حراجي كان حيرد يا ناس..؟

وقعد مرزوق يقرأها ودمعتها تُحَرُّ.

تكلّمها النّسوان تضحك.. لكن تقعد تبكي؟

وتقول مالکم بیّا بس یا خلقی ..؟

سيوني.. فرحانه.. وماله لما ابكي..؟

يعني الفرحه دي حاجة بتاجي يوماتي؟

سيوني ابكي.

أهـي دمعـه تطفـي القـلب المحـروق.

وانت باعتلي جواب تمنعني عن الشوق؟؟

إتغير قولك يا حراجي.. إتغير صُح.

وحديثك بقى زي حديث الراذو.

زي كلام الأساتيد.

طَبِّ اقُولُكَ قَوْلُهُ وَمَا تَقْطَعُشِي الْوَرَقَةَ بِسَنِّ الرِّيشَةِ

وانت بتشتمنی؟

النبي نفسي أشوف اسوان.

أشوف المكنه والمواسير والانفاق..

وأقول ما تغفلقهاش..؟

نفسي اشوف صاحبك ليهندس ده..
متهيألي كمان يمكن وشك دلوقت اتغيرت
يمكن صوتك برضه

يمكن شبت..؟

عبد راح الكتاب واهو ماشي زي القطر..

وعزيزه انبارح سخنت لكن قايمه الصبح مليحه..

يمكن حتحصب.

خلصوا القرشيات.

دلوقت اختك «نظله» حتولد بكره والّا بعد يومين

مش برضه حنديها قرشين..

وشوية قمح وسمن؟

دي «نظله» يا حراجي خيرها علينا..

بتوَج النار في الجوف يابو عيد

وما غير إلا جوابك، وبس

اللي ف مُقدرته يهدينا

ويبرّد فينا النار.

زوجتك

فاطنه أحمد عبد الغفار

جبلابه الفار

الجوهره المصونه
والدره المكنونه
زوجتنا فاطمه احمد عبد الفجار
يوسف و يسلمه ليها
في منزلنا الكاين في جبلايه الفار



زوجتي ..

أم ولادي .. وتوبي .. ولحم رقبتني ..

فاطنه احمد عبد الغفار ..

زوجتي واختي

ستري .. وغطايا .. والكثف اللي تملي شايطني ..

وشيلتي ..

فاطنه بالنضة ليلي ومصطبتي ..

وباب بيتي وعيلتي ..

فاطنه يا ست الناس ..

والله ما ضيعنا يا فاطنه غير .. الفاس ..

وتأريني يا فاطنه عرفت الهم ف يوم ما عرفت الفاس

أدعي على ابويا والآ على جبلاية الفار ؟

والآ أدعي ع اللي علمني أغوى كلمة أنفار ؟

في الجبلاية يا فاطنه

الواحد يغوى الكلمة دهي من غير ما يحس ..

ما يعرف فين غو وهاله وف أي مكان ..

زي تمام شرب الدخان ..

أنفار أنفار ..

ونعاود آخر الليل زي الحيطه المايله ع الدار ..

مالين الدرب غبار وهزار ..

وأتاري طيلة العمر الواحد فينا يا فاطنه

ماشي المشوار بالمندار

نفرح بالعشرين قرش..

ويوم السوق نتباهي برطل اللحم

نمشي بيه قدام الناس

شايفه يا فاطنه..؟

يقطع ده اليوم الطين اللي اتعلمنا فاس.

كان يبقى صُح الفاس لؤلئنا أرض..

أهي بس ف دي

يبقى الفاس فاس .

لكن ماخيها شغلها يا فاطنه

إن كانت في أراضي الناس.

حتقولي عليًا اتغيرت واتغيرت..

ابدًا وحياة النعمه يا فاطنه.. وحاحكي لك :

طبعا .

إحنا قعدنا كثير ساكتين قبل ما ياخدونا الشغل

ووصلنا هناك كان يوم إزيع .

طبعا أسوان دي جبل .

هيه صح يا فاطنه فيها سرايات ودروب إسفلت..

لكن ده في الشقه الثانيه.

أسوان بتاعتنا يا فاطنه جبل .

إتسلمنا لواحد رئيس تخنان وبكرش

إسمه «الحاج بخيت»..

شو في احنا بذكرنا كيف ؟

لكن برضه مارحناش في الأول..

وقعدنا نعبى بالفاس والزنبيل..

حجاره صغيره الواحد قد المليم..

ونحولها يا فاطنه في طرمبيل ما عرفش بيروح فين..

بس طرمبيل عالي

يمكن عالي قد القطر..

طب عارفه

يقدر واحد من دول على ضهره يشيل ميت نخله.

وف يوم.. تقاني «الحاج بخيت».

انا وتلاته معايا عشان نزرع «دلاميت».

أهي دي الشغله اللي تخوف والي تموت صُح.

أصعب ما يكون في اسوان.. هيه حكاية الدلاميت.

صواب طولانه كده.. نينكتها في اللجبال..

ونقيد السلك يا فاطنه ورمح..

بيفرقع..

نجري ونتكفى..

صدقي لما يا فاطنه يقولوا قدامك

شفنا خلق.. بتتوفى.

أصعب ما يكون في اسوان هو الدلاميت..

تشال الدنيا وتقعد أي جبل ينزل فرافيت.

يقعد مدّه في ودائنّا الزنّ.

تقولي يا فاطنه لو شفتي الدلاميت..

الجبيل اتجنّ.

وقعدت اقول ليه يا حراجي..

يشيلوا ويعافروا في الجبل اللّمّعافره دي..؟

يكونوش ناوين ع الزرع يا جدعان؟؟

وطب دي حتت زرع..؟

يعني ضايقه الدنيا معاهم مش لاقين

غير الأرض الطوب..؟

هيه الناس دي يا ولاد بتفكر بالمقلوب..؟

وبقينّا آخر الليل نفرش على حتّه في الشغل

واقعد أتكلّم واتحدت طول الليل أنا «والمملوي»

«وعلي أب عباس»

هوه صُحّ الدلاميت

أسهل من شيلة الفاس..

لكن بيقلّعوا في الجبل العالي ده ليه؟

مالقينّا جواب..

أصل الي معانا يا فاطنه مش من أهل اسوان

علشان يقولولنا..

جاين زينّا من ميت جبلاية فار..

ما هو كانوا هناك زينّا يشتغلوا أنفار..

يفرب بيت الي ضيّع عمرنا هُفت

وطلّعنا وشيّب راسنا في حكاية الأنفار

إتعلما من الصُّغرى فاطنه
ان مافيش في الدنيا إلا شغلانة الأنفار.

طب عمرك سمعانه بالدلا ميت؟
صوبعين لما يطرشقوا تحت البيت.
عاجيبوا عاليه واطيه.

وانا حتى كنت حاقرب كيف م الدلا ميت..
ولولا ما اختارني يا فاطنه «الحاج بخيت»
إن كان على اسمه هي كل الناس بتقول
دلا ميت دلا ميت..
أصله هو اسم حلو

دلا ميت.

لكن فيه واحد قرب وشه فيه شافه..
ده حتى فيه شغاله في الدلا ميت ويانا..
كانوا يحطوا الصوبعين ويفرؤا..
من غير ما يحققوا فيه

ولا يعرفوا ده اللي في العلبه ويفرقع لما يحطوه..
كونته إيه؟

لكن جوزك صدق مألقيها.
عزفوني قوام..
وغويت الشغله يا فاطنه..
تفكرني بأيام العوم..

مش فاكـره اتعلمت العوم قبل بـقية الولـد...؟
بـقي ده بقول يا حـراجي
وده يقول يا حـراجي.
أهو من تحت الشغله دهني
إتـعلمت الإخـير في الجوابات.
كنت أنام واصـحى أفكر واحلم في الدلاـميت
لا عيال ولا مـره ولا بيت.
«وعلي اب عباس» مارضيش..
قالـي «سـيني في الفحت»..
اللي عارفه احسن م اللي ما تعرفهوش..
قالـي «سـيني في الكحت»..
شغلانه عارفها وعارفاني.. وارـتحت
مالي..؟ تاجيني خبطه.. وامي وراي..
خليـني قاعد عايش لما تقضي يومينها..
قلت لـه «يعني أنا اللي مالـيش ناس يا علي..؟»
قالـي: «لـا.. بس انت معافر..
والدلاـميت اعمى وكافر..
وحاـو قـلـك إيه ولا إيه..
جرن حـديت ما يقـض..
يا فاطنه..
وانا لولا عارفك جدعه وعارفاني عاقل
أبعتلك؟
لـا.. أنا عارف القـصه تخـض.

سَلِّمي على عيد..
وقولي لهُ الرب يقرب في المواعيد..
ده نهار لقياكم هوهِ الفرحة يا فاطنه.
وهوهِ العيد.

زوجك ..
لوسطى حراجي



أما بعد ..

قاللي قولي لا بويا كمان جوابين ..

وأكون اتعلمت اقرا الورقه وافك الخط .

قاللي طول م البسطاوي بيقرأ الجوابات ..

سرنا مكشوف ..

واللي جوانا يامه يكون معروف .

رديت ع الواد عيّد يا حراجي

قلّتلّه ما تخافش

ولو اني معاه في القول ..

قلت : أبوك بيقول انقلوا قولي للناس ..

بيقول : انقلوا قولي لي بنقوللّه واللي ما بنقوللّوش .

هوه أبوك بيقول مشتاق اتّمّد معاكي فوق الفرش ..؟

ده بيتكلم ع الفاس والناس .

ولو انه لو قال ..!؟

لكن آدي القسمه

بلانا براجل يغوي الشمس

اكثر من سهر الليل .

كَمّل يا حراجي .. قول .

واللهي طول حسك ما بيطلع م الورقه ..

وانا زي ماكون شايفه الأسوان بالعين..

والني يبقى انت صُح بقيت أوسطى..

بيقولوا قال.. لابس..

اقول ايه بس النبي مكسوفه يا زوجي..

قلعت التوب قال..؟

بيقولوا بقيت مهندس يا حراجي وبيقولوا انك مستوظف صُح.

كَمَل يا حراجي.. حكاية الشغل..

بس اوعى برضه تنسى تقوللي ساكن في المطرح مع مين..

وبتاكل ايه؟ وبتلبس ايه؟ وبتقلع فين؟

مع إني خابره انك واللهمي ما حترِد

عزيزه دلوقتي بتنطق..

بتقول امبوه..

فيه عيل يقول امبوه قبل ما ينده على ابوه..؟

أهي هيّه البت عزيزه

مانت غايب عاد.

في المغرب رحت قعدت ف عتبة بيت «طِلب الحداد»..

حتقول اتباهت..

ابدا واللّه يا حراجي..

اهم الي فتحوا السيره عاد.

وأقول الحق..

انا صدقت لقيت ناس تفتح لي السيره..

وحكيت للحريات كل اللي قلته في الجوابات..
اعمل لك ايه..

مانت بتكتب لي كلام
يكسر صندوق القلب ويطلع وحده..
وفيه في الجبلاية حريم


خايفه يا حراجي ما تبعت رجّالها لإسوان
«عيشه اب عفون» قالت فيه ناس بتموت..
قالوا الجبل بيتهمز ويتطوطح ويقع ع الولد..
وقالوا ساعات الولد يدق ف توبها الكبريت..
أقول الحق انا في الأول قلبي اتمرجح
واتهزيت..

لكن انفكرت كلامك ع الدّلاميت..
وفتحت القول.. قلت.. وحكيت..
النبي يا حراجي فاطنه كانت زي قناية مطلوقه..
لاهمّ قاموا يسدونني ولا انا اتسدّيت..
واما رجعت البيت..

حسيت اني حراجي..
حسيت اني زيك واجعص منك..
ايه يعني لما الواحد يزرع ورده يا حراجي
والناس ما تشوفهاش.. ولا تتشققهاش..
إنتو زرعتموا الورده.. واحنا نشممها للناس..
مش لازم نعمل حاجه زيكم..؟؟

إيعت يا حراجي وقول:
إحكي لي حكاية الأنفار
ملعوش خاش الي يكتب ورقه لمرته.. يا راجل..
ويدكن له فيها شوية أسرار.

زوجتك
فاطنه احمد عبد الغفار
جبلاية الفار



إحنا يا فاطنه اللي لا عرفنا قرايه ولا كتابه
غلابه.

لما عرفت كُده يا فاطاني زعلت الرُّعل الواعير..
عمر يا فاطنه ما فكرنا في الدنيا..

ولا قلنا جايه منين رايحه على فين..؟
غير كلمة ربنا يسترها معانا دنيا وآخره..
والآخره..؟

آدي العمر اللي دبل على عودُه في تراب الجبلايه.
ياما لولا «حسين العكرش» قاللي السد..

كنت زمان باتعتر وأقف واتنفّض وامشي تاني في طريق المتسد.
السد يا فاطنه..

فتح عيني ع الدنيا زي ماكون
طلعتني للنور من بير.
علمني كثير..

ويوماتي بيعلمني كثير.

«والباشلمهندس طلعت» دوماً يحكي لي حديثه المسحور.

دايما يملّي الدنيا ف عيني نور
ويخليني أشوف الحاجه من تاني.
يعرف جبلاية الفار.. وكأنّه عايش فيها..

يعرفها اكثر مني .
طول ماحنا في الشغل يكلمني
واد عال وأمير .. من أصل ..
وليه ناس ..
ولو أنه قاللي ف مرة :
« يا حراجي ..
سيبك م البدله
انا ابوي زيك راجل صاحب فاس .
من تحت عرق رجله اتعلمت .. »
وحكاية الأستاذ طلعت دي يا فاطنه حكاياه ..
طبعا شافني هوّه مرّ ف مرة ف زرع الدلاмит ..
باشغل الشغلانه غاويها
اجري من حُرصي على عمري ..
مش خوف
ولا عمري اتكفّيت .
واصله جات مده هناك بقى كل الخلق تقول يا حراجي ..
وانا كنت كمان عاجب نفسي .
أمشي مفروط إذا رحت أو لما اجي .
وانا نازل مرة من فوق التبه .. جرى وميسكني
قاللي عاوزك يا حراجي .
سيب الشغل الي وراك وتعال .
رحت له في المكتب .. مكتبه في الخيمه .. بره .. في الشمس

خدني من يدي وقعدني وسقاني الشاي..
(طلعت افندي) أول افندي في الدنيا يا فاطنه يطلب لي واحد شاي.
وشربت وهو بيتكلم..
طبعاً هو قال ..

بس انا في الوقت ده كنت ضلال في ضلال.
قاللي في الآخر كيف الحال..
أنا قلت له مبسوط..

وانتي عارفاني مؤدب لما أرد سؤال.
هو كان مبسوط مني أنا مش عارف ليه.
خدني .. ومررني في مُنطقته
لسه يا فاطنه ساعتها لا كان سلك ولا اتفاق..
كنا يا دويك بنكسر صخر وبنشيله .
هو كان عنده عدد.

وكمان كان فيه حواليه عمال..
لابسين لبس افندي وحاطين .. برانيط..
كنت أنا لسه بشاشي وطاقيتي.
قاللي إيه رأيك يا حراجي..
قلت له شغللك صعب وعاوز فيهم.
قال تيجي معايا ؟.
إتجبلت يا فاطنه .. قلت له لا..
قال ليه يا حراجي..
قلت يا طلعت افندي انا راجل صاحب فاس..

أنقل حصی معقول.
أزرع دلامیت واجري معقول.
لكن أبقی وسط أفندیاتك دول مش معقول.
مش حافهم حاجه..
وتاني ما منه يمكن ناوي تشغلني..
أجيب الشاي للرجال
قاللي يا حراجي دول عمال.
عاوزك تبقى واحد من دول .. وحتبقى..
وحتبقى واحد عال.
إتبرجلت يا فاطنه عين في الجنه وعین في النار
قلت لنفسي:
وماله لما تعافر ياخي..
وافرض ما تعلمتش..
مش عار.
أنت لازم تعرف إنك جيت اسوان.
مش قاعد في الدار.
وما تتعلمشي ليه؟ .. ده انت تتعلم تبقى سيد الكل.
بس حكاية فري المواسير دي.
كل يومين حتبوظ مني المواسير وحتتنی المسامير
قاللي الاستاذ طلعت .. الله یخليه لشبابه یارب.
إدعي له يا فاطنه كتیر..
قاللي بس انت انوي وانا عارفك يا حراجي نبیه

قلت إيه؟

قلت له بلا حاج بخيت.. بلا دلاميت..

حاجي معاك.

وده برضه اللي خلي يا فاطنه جواباتي تتأخر.

لسه يا فاطنه الرحله طويله

والأيام جايه..

بس حراجي خلاص

بقى يغوى الأيام..

بيخاف على عمره زي النسوان لما تعجّز..

أصل يا فاطنه يا مرقى في إيديا مسكت الخيط.

وانتي عارفه..

النور في الضلمة ليه قيمه..

حتى لو كان جاني من خرم صغير في الحيط.

الورقه خلصت يام عزيزه..

وقلبي مليان.

ومع الظرف حتستلمي فلوس..


بخصوص «نظله» كتر خيرك.

وهوه يا فاطنه فيه في الدنيا واحده بتفهم رد جميل الناس.. غيرك؟

وسلامي لكل الجبلاية واخذًا.. واحد.

زوجك

لوسطى حراجي



حراجي القط ..
يا أغلى من قشرة عيني وحيطان بيتي وولدي ..
ربنا يتاقي لك في عيالك وف مالك ..
ولا يقفل قدامك سكه
ولا يقطع لك مشوار.
جاني جوابك.
ما بتسألنيش ليه ع اللي بيحجرى لما بتجيني الجوابات؟
كيف جسمي يسخن ويبرد.
وقليبي يرقص تحت التوب ..؟
النسمة تهل عليا أول ما يخش جوابك.
باعمل ولا كنه هاعمي قدام الناس ..
أقلب واعدل في ايدي الظرف.
بعدين اتطلع للبسطاوي ..
وأقولله .. طيب خش اقراه.
يتلموا عليا الحريمات.
يقعدوا من جوه الباب ..
مرزوق وسطيهم بالجوابات ..
وأقول طب مش تستنوا لما مرزوق يشرب كباية الشاي ..؟
وأقيد النار وأعلّق فوقها الميه وجوابك على حجري ..
ان قمت أروح واخدها ..

وان جيت أقعد على حيلي تاني..
أقوم تان ف حجري.. حاطاه..
وأسوي الشاي وانا سامعاهم ورا ضهري بيتغاظوا..
وأصب الشاي واقعد وسطيههم..
وأما أسلمهم واحدة واحدة كبايته..
أنا اللي أقص الظرف..
وأدي له الورقة بيدي عشان يقرأ..
الله يسترها معاك ويخليك ويحبب خلقه فيك يا رب
من يوم ما خدتنني يا حراجي وانت مكبرني ف عين الناس..
ومحسني اني ست الكل..
الناس تتلم علينا وتقعده حوالينا كأننا عيله..
ياما نفسي صُح يا ناس..
أحب اني ولو حتى لحضه..
قدرت أخفف يا حراجي عنك شيلة الشيله..
النبي جواباتك بتنور ضلمة مخي صُح..
وضلمة مخ الحريات..
كل ده يا حراجي جرى لك في اسوان؟
ده انت بقيت عفريت..
امال ده ما كانش باين ليه يا حراجي هنا في البيت؟؟
كنا حاسينك في البيت؟
وساعات لما أكون قاعده لوحدي بانقي الغله..
والأباعبي الجرّه..

أقول وحياة الرب حراجي حرام فيكي يا فاطنه..

برضه كان لازمه بت اجدع منك..

مش يعني نُغن وطول..

حراجي عمره ما شافني كده..

حراجي.. الكلمة ساعات تغنيه..

وتخليه ينعس ليلته مطمئن رايق البال

وساعات برضه أقول:

مانا برضه مليحه..

يعني هيه الغيري دي

برضه حتشيل في عنيا ال انا شايله لحراجي..؟

لَه..

أنا أكثر واحدة في الدنيا تعز حراجي..

هوه حراجي عاوم إيه م الدنيا

غير ان الضحكة لما تطلع من قلبه تطلع مرتاحه..؟

وانا على كد ما باقدر.. باذعي لك.

.. باكشف شعري للنجم وباذعيلك يا حراجي..

.. وأقول.. ميتي حتاجي..؟

وأشوفك بعنيا..

وانت بتخطي عتبة الدار..؟

زوجتك

فاطنه أحمد عبد الغفار

جبلاية الفار



مش ماشيه معايا حكاية الجوهره والدرّة المكنونه دي.
إنتي يا فاطنه أغلى من الجوهره واجدع م الدرّة.
وحتى انا مش عارف معنّه كلمة درّه.
إنتي يا فاطنه
أغلى ما ماسك في إيديا..

تحويشتي وعرقني.. وأكثر من كل كنوز الدنيا.
والمسألة في القول مع فاطنه مش محتاجة كلام.
يعني أنا لو قتلّك جوهره
حتقولي حراجي معزّته زادت؟

إنتي عارفه حراجي وعارفة مقدارك
أنا ربنا جابني الدنيا من غير ورث
وإدّاني منابي فيكي.

وما طالب منه غير بس يبارك فيكي.
ويديني الجّهْد ف دراعيني أقْدَف بيكي.

أغلى عندي من الولد لو ان الولد نضر عيني..
لكن لسه احنا قادرين نعمل ولد.

أما انتي لا قدّر رب الناس
ما قدرشي أعكّز ف طريق..
إلا بيكي.

إن مالت بيا الدنيا اتكّي عليكى..
تسندني دراعيكى..

وإذا كنت باقول اني في اسوان عال..
فانا عال.. ده لإن العمر متقدح الجبلایه..
والجبلایه.. فيها فاطنه اللي واخدها..
بسنة رب الدنيا ورسوله..
فمنين جوهره ولا ميه..
حينوروازي عنكي المليانة طيبه وحنیه..
ف لياليا..؟
والواد عيد واخذ منك طبيبتك وعنكي..
وحو الجهد..
إترجل قبل ما يبقى ولد..
زي بقية الولد
أكثر ما تعلمنا في الجبلایه يا فاطنه غلط في غلط..
وأقلها حاجه اتعلمناها غلط..
ان الدنيا حالها كده معدول..
مع ان الدنيا يا فاطنه المعدول فيها غلط..
واتعلمنا لا أهميه للجوابات..
مع ان الجوابات دي يا فاطنه ميه البني آدمين..
طب أنا دلوقتي مش قاعد أحكي معاكي وعجبان..
لكن في اللحضه دهي.. وانتي بتسمعي قولي..
يمكن اكون بافري ماسوره والّا بالكلم واخذ..
والّا باشرب شاي.

شفتي يا فاطنه الدنيا ازاي..؟

العلم يا فاطنه العلم.

العلم ده أمره غريب.

دماغات زي الدماغات اللي ف جبالية الفار..

لا عين زايدة ولا ودن ..

لكن بتسوي الأعاجيب..

ده احنا بس الليل لما بيجينا الجبلية بنخاف.

لكن دول.. الدنيا ف روسهم محسوبه..

محسوبه صحيح..

وهو يا فاطنه لو لا عارفين ان الدلاميت.

ياخد الجبل وينزل

كانوا عملوا الدلاميت..؟

حاسنين الدنيا العفاريت..

آه بس يا فاطنه لو كنت اتعلمت..!!

سيمعتي بشي اسمه «الوش»..؟

أهي دي مثلاً.. مكنه لا لها إيد ولا وش..

لكن عاليه يا فاطنه.. ويكرش..

راكبها راجل..

زي ما بنجودها تحود.

أهي دي لوحديها ترفع عريّة قطر لفوق

وتودها مكان تاني.

طب عربية القطر يا فاطنه..
 كام ميت راجل برضه ما تقدر شي تتعتتها؟
 هو به خطاف كده زي الشرشره.. يرفعها..
 والدماغات دي برضه كانت تعمل ونش..
 لولا انها عارفه انه حيشيل عربية القطر..؟
 وكثير في الجوابات بتقولي يا فاطنه الغربه الغربه الغربه..
 ايه هيه الغربه يا فاطنه؟
 وميتي يبقى الواحد متيناف غربه؟
 لما يسيب بلده؟
 الواحد بلده الحته الي بيغواها.
 بيته الفرشه الي عينه تنعس جواها.
 مش «يامنه اب قنديل» متجوزه «حفني العطار..؟»
 مش دي حكاية يا فاطنه قاريها انتي وحافضاها؟
 مش قاسمين لا الفرش ولا اللقمه.
 مش دايقين أيامهم بلسانهم..
 وجنوبهم في الليل .. بتيات تتقلب..
 أه دي الغربه يا فاطنه.
 جبلاية الفار بلده وبلد جده وده بيت والده..
 لكن متغرب فيه..
 وانا هنا عال في اسوان..
 لولا القلب الي امّا افتكرك
 زي حمامه مذبوحه يرفرف.

كنت ما فكر شي ف مطرح ثاني.

وما فيش في الدنيا غير جبلاية الفار الي معانداني..

علشان فيها «عيد وعزيزه وفاطاني»..

جبلاية الفار بيكم فاكراني.

وتقوللي ميتي حتاجي.. يا حراجي..؟

وأردّ ورا الشوق الرامح ع البيت

صحيح ..

ميتي يا حراجي.. راح تاجي؟

أنا متشوق صُح يا فاطنه.. لكن دلوقتي سيبيني..

زي الي ف قلبي حته مسلوخه..

مش عاوز اطولها الميه قبل ما تبرد وتطيب.

وما تتدايقيش مني يا فاطنه لو قلتلك.

حتي لو ادوني أجازة..

مش راح آجي.

وسلامي وشوقي المش طايق ناره.

زوجك

لوسطي حراجي



زوجي حراجي
إنشالله تكون الصحة تمام في تمام ..
والدنيا ماشية حداك ..
ووصلنا خطابك وما شبعانه فيك حُب وشكران ..
الدنيا هنا بخير
والكل بيعت لك أزكى السلامات.
وعيد وعزيزة عال في أتم تمام ..
ولا ينقصنا إلا رؤية حسن حُياك ..
وطول مانت ماشي يا حراجي لقدام ..
فاحنا وراك.
أما بعد ..
فاحنا عايزين نكتب لك كلمائتين ..
والخوف لنكون مش عارافينهم رايحين على فين.
فانت طوّلت ..
وافرض حتى أنا عرفت اتدبر في الشوق ليك واستحملت ..
مش معقول الولد يبصوا بعينهم ع الأب.
ما يلاقوا حوالهم إلا حيطان البيت .. والرب.
كل عيال الدنيا يا حراجي ..
يطلعوا على دخلة ابوهم وكلامه .
ونحنحتة في الدرب.

تطلع مالهاش عوزه..

لا تاكلها ولا تشربها..

زي الميه بتاعة الجوزه.

رُكّ كلامي ف راسك وجاوبني..

أهه مش عارفه.. ليلة امبارح لُفّت بيا الجبلاية

ان كان فيه مطرح..

أنا مش عاوزة إلا كسرتي وغطايا..

دلوقت اللي بتندغها هنا يا حراجي.

ما راح تقدرشي تخلينا نندغها هناك..؟

يبقى خدنا معاك.

مش عارفه ليلة امبارح تعبتني وبايته عيانه..

أنا واخداك..

علشان لما أمد ايديا القاك جنبي.. مالقاكش هناك..

حقول مال فاطنه؟.. فاطنه زهقانه.

أهو يوم فرحانه ويوم زعلانه ويوم قلقانه.

احنا واخدينك يا حراجي عشان تبقى معنا..

وعشان نبقي معاك.

يا تاخدنا معاك يا حراجي..

يا ترجع تقعد في البيت ده معنا.

البيت كده زي ما كون بقى واسع وحيطانه طولانه.

مش عازين سد.

أهو لسه يومين قاعده اتباهي بالسدّ وببك قدام الناس..

لكن .. والله ما ضيعنا الفاس ..

حتضيعنا الغيبة يا حراجي ..

الغيبة تخلي الناس تنسى الناس ..

كل ما قولك مشتاقة بتبعد ..

وانت من عمرك تغوى الرجاله ..

واسوان مليانه رجاله يا حراجي ..

ده انا حتى ساعات اتحدت مع نفسي واقول

كتر خيرُه اللي فاكرنا .. ويبعت لنا جوابات ..

جواباتك مليانه شوق ..

لكن مش طايلاك يا حراجي البعد خانقني

زي الطوق ..

لولا ما عيد طول اليوم بيوذوذ جنبي في قراية اللواح ..

كانت الدنيا تقفل من كل جنوبها ..

مش عاوزه فلوس .. إرجع ..

وأغمس في تراب البيت ..

لكن عارفك مش راجع يا حراجي عارفك ..

عارفك منكوت في تراها زي السجّره هناك ..

يبقى الأحسن خدنا معاك ..

الضلمه بقت في الليل بتسود قوي يا حراجي ..

وانت مش راح تاجي ..

وأنا مش عارفه أسوي إيه فيك ؟

ربنا يهديك ..

طب شوف لي حل.

لاحسن من ليلة امبارح

زي ماكون دلقواف نخاشيشي..

بحرين خل.

مش طايقه امشي في الدار..

وحاسه كإني مخنوقه.. وعقلي مندار.

زوجتك

فاطنه أحمد عبد الغفار

جبلية الفار

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال

سؤال



فاطنه

قهرا ان منك ..

والقهرا ان يتمكن من صدر الراجل ..

يغشي عينيه ويهز إيديه ويزعزع روحه من الداخل .

وانتي عارفه ..

يتخبل وما يعرف ايه الطالع وايه الداخل .

ايه اللي ليه .. وايه اللي عليه .

ويهاب نفسه ويهاب الهوا لأزرق لو مرّ عليه .

والقهرا ان كان من شخص تودّه النفس

يبقى هو يا فاطنه القهرا الحقاني وبس .

ان كان أخ .. ان كان صاحب .. أب .. ام

إن كان القهرا ده سبيه الولد .

اما ان حراجي يزعل من فاطنه فكتر خير .

لما يتبرجل في الشغل .

وما يعرف يسأل وان سألوه ما يرد .

الفرحه اللي انا فرحانها بمشواري وبيكي

ترميني في السكه عريان ؟

اهي دي اللي تعكنن صُح ..

وترجعني اسرخ في الليل ..

وأدور على كرسي الدخان

وتخلي هدومي على جسمي تلق .

أبكي.

لكن كلمه من واحد جنبي تصحيني وتاخذني في السكه.
وساعات لمهندس «طلعت».

يلقاني زي انا ما لقيتك في جوابك..

ويطلع لي بكلمه من وسط دموعي على فراقكم.
ضحكه.

ميتي بنكي يا فاطنه..؟

لما بنسى الناس.

أيوه يا مرقي زي السمكه اللي نطت جات برّه الميه..

تفضل تُخَبِّطُ تَرْقَعُ زي المدبوحه..

وان ما لقتني الميه ف نطتها.. تموت..

أهو إحنا تمام وضع السمكه..

والناس هيّه الميه.

براهم ندبل ننشف لا أوان له ولا ميعاد الموت..

أيوه.. بنقى وسطيهم لكن ندبل..

لأنه مش العبره يا فاطنه نقعد وسطيهم..

الحكمه ف قعدتنا معاهم..

يقعدوا جوانا ونقعد جواهرهم.

قاللي «لمهندس طلعت»

إن الناس دي ف أولت الدنيا..

أيام م الأرض دي كانت غابه واحنا كنا وحوشه.

كانوا الناس يطلعوا للغابه يصيدوا يا فاطنه مع بعض..

لأن الي يروحها لوحده.. كان يستفرد بيه الوحش.
ده حتى كانوا..
ان واحد يعمل غلطه ف إخوانه..
لا يودّوه سجن..
ولا يسألوه فين النقطة الي تحبس ولا مين سجنائه..
كانوا يسيبوه يمشي لوحده بره الناس..
شايفه يا فاطنه الوقت السجن صغير كيف؟
كان المجرم من دول بدري سجنه الدنيا..
صُحّ كلامه..
الدنيا من غير الخلق دي تبقى سجن السجن..
فانا عاوز اقول
إن قعادك وحدك خلاكي تقولي كاه..
وتشوفي حراجي كده..
وتشوفي السد العالي كده
وتشوفي نفسك مُدهد ناشف متعلّق على خشب الباب..
وتحسّي ساعتها بضّح ان حراجي غاب..
وان الدنيا من غيره عذاب..
لكن لو شاغله ضماغك وإيديكي بحاجة..
لو كنت مشاركته الناس في حويجه أو موضوع..
كتني عتلاقي بحر الوحشه
على طول مقطوع..
والوَحْم الي حط عليك وعاوزه تحطيه ع البيت والوالد

يقوم مرفوع.

يعني أقولك..

من قيمة ست سبع تيام قاللي الأستاذ طلعت:

روح الورشة يا حراجي..

عاوزين ترسين من قيمة ٦ ف ٢٦ سُمك صغير.

طبعا طير رحت الورشه..

واحمد ربى ان انا رحت ساعتها على طول.

وكان الاستاذ طلعت كان حاسس.

بره الورشه لقيت أوسطى مكانىكي

مزرود تحت خابور قد الحيطه

وأوسطى تاني

عمال يرفعه عنه ما قادر شي.. الصَّخْص خلاص

حيموت.

وازعق بعلو الحسن أقول «الله يا ولاد».

جات الرجال م الورشه والموقع زي النمل.

خَلَصْنَا الرّاجل..

شوفي الناس..

مش لازم يبقى الواحد متينا يا فاطنه مزرود في خابور.

علشان يحتاج للخلق..

ده مثل يعني ظغير.

وانتي طيلة العمر ف عيني كبيره.. وواعيه..

باخجل منك يام ولادي لما اعمل شي بخجل..

والآ يصغّرني في عينك..

واخجل منك أكثر..

لما انتي عملي حاجه

تقلل من قيمتك في عينين الناس..

مش في عنيا أنا

أنا عارف فاطنه بتشوف الدنيا كيف..

وأما ان انتي تحبيني يا فاطنه

ده كان يبقى يوم الجنه.

واذا عدّ لها لنا المولى حنعملها.

بس الموضوع أصله..

وأنا ايه يكسفني؟.. حاقول..

احنا الخمسة واخدين أوضه أجازه..

حاطين على بابها قفل وجواها حاجتنا..

احنا مش بننام جواها.. بننفس في الموقع.

طبعا احنا ورادي

الورديه ان كانت في الصبح..

الليل بننام في السد

الوردية بالليل اهو بننام في الأوضه.

بس اسوان حرّ ورّمجه.. والهوا فيها مكتوم..

وكمان احنا من مبيتى يا فاطنه

كانت هأمانا حكاية النوم..؟

مطارح غاليه يا بوي واحنا فقارى.

سيبك من قولة أوسطى وقولة مستوظف..
واللهي يا لولا اللقمة لازم تنزل في البطن
عشان الزول منينا يعيش..

احنا ما نُصرف ..

فحكاية جيتك عندينا مش معقوله..

وحكاية جيتنا عنديكم مش معقوله..

وحكاية ان الناس طول عمرها تتجوز علشان تقعد مع بعضها مش معقوله..

بيننا البحر..

وحيفضل بيننا البحر..

لحد ما ربك يقضي في الأمر..

اقعدي في الناس..

اتعلمي زئي منهم سر الدنيا..

آه لو كل بلد فيها واحد «طلعت» ..

كان ايه يحوجني أقولك كلمه من دول ..؟؟

كان الواحد يقعد هنا مرتاح..

ولا حتى يفكر فيكي كده..

ولا يقعد قهران في اسوان..

ولا حد يقول له ميتى حتسافر..

ولا ميتى حتاجي

زوجك

لوسطى خراجي

اسوان *
زوجي الفاني * *
لاوسطر جراجي القط
العامل في
الحمد العالي



زوجني حراجي
أهو قُورك ليه طعم وبس ..
فهمت فهمتش ..
قورك بيسوقني زي النعجة قدامه وبس .
ما بقيتش فاهمه راسي من رجليا خلاص .
وانت كيانك واحد تاني .. غير ابو عيد .
لكن عارفك طيب .
صدق يا حراجي ..
انت قريب مهما اتغربت ومهما طوحننا المشوار .
جسك مالي الدار .
وسيرتك زايحه وخم جبلاية الفار .
وانا مش مكسوفه من الورقة اللي بعتناها .
حسينا حاجات فينا .. قولناها .
واذا حسيننا تاني حنقول .
ان صرخ القول في الحشا
عمر الخشم الحُرّ ما يقدر يقعد مقفول .
جواباتك بتبل الريق النشفان ..
وتنور بيت مافهوش غير ست عيون .
وانا لو حببت الدنيا من تاني يا ابو عيد ..
برضه ما يغنيشي عن رؤياك .. والقعدة معاك .

أنا عندي غسيل توبك ع البير...
بالدنيا وفرح الدنيا وبالخلق كبير وصغير.
وأنا قتلتك بالله تعالى..
لكن صُح أنا عاوزاك تاجي...؟
طب يبقى ساعاتها ما عتبقاشي حراجي..
أهو قلتها من خلقي الزهجان..
من قلبي الجلعان..
وأنا يعني ليا مين في الدنيا أشكي له...؟
ده زي ما اكون انت يا حراجي أبوي..
زي ما كون انت يا حراجي اللي مرييني على حجرك..
بس المره منينا ان فات الحول..
والكحله ما تمر وذهاش..
وضفايرها ما تعقدهاش..
العمر يتش فيها كيف الحداية
وتحس بأيامها بتجري قدامها ما بتحصلهاش..
واحنا يا حراجي لسه ما فرحناش..
لسه ما قعدناش مع بعضينا وما اتكلمناش..
لسه ما ضحكنا روح.. واتبللنا ريق..
وتبعزقنا طريق؟
يبقى ما اوحشها طريق يا حراجي
ما اصعبها طريق

وانا برضه لسه جاهلاك يا حراجي وجاهله الدنيا..
ولازمني تنور لي السكه.
ما طلعتش زيك..
أنا من صغري عايشه على لقمة غيري..
لقمة ابوي كانت قبلك.
وآدي انت واللّه الحمد..
لا ساندنا على حد..
ولا خليتنا نحتاج لنا عوزه من حد.
وساعات قلة عقل الإنسان..
يطمع في حاجات هايفه
ويصيبه النكران.
وانا عندي عزيزة وعيد
شايفه الدنيا بيهم.
كبروا الولد.
كل ما يبجي الوادم الكتاب زي الباشا..
والأ عزيزة تنطق كلمة جديده..
أحسد نفسي اللي وحدي باشوفهم وافرح بيهم.
واقول فينك يا حراجي..
ياللي ف آخر الدنيا بتجري عليهم..
واللي يخوفني ساعات منك..
لا كلمة ولا سؤال ع الولد ف جواباتك.
دلوقتي هم اقرب لك ولا الباشلمهندس..
ما تاخذشي قولي زعل ..

انا مش غير انه منهُ يا حراجي..

لكن تملي

باحس كده انك ناسي الدنيا لما بتكلم عنه.

احنا بنحب جميع اللي في رحيك ..

وخلاص بقى عيد دلوقت ساعات القاه عند الكُنْ

بيفعكش في الجوابات

يفتح خشمه ويقفل وعنيه الخط .

قاللي «الشيخ قرشي» امبارح :

«عيد.. بقى عال.

بيفك الخط.

أحسن عيل عندي في الكتاب.

طالع ناصح زي حراجي..»

طيب أفرح يا حراجي وألا ما فرحش..؟

أنا قلت اقسم مع ابوه..

فرحتي بيه.

مات ليلة امبارح «عبد العال الكيال»..

طلعناه الصبحية.

إوعى تكون زعلان من فاطنه..

ده انت سترها وغطاها..

مش عيب برضه

لما المرّة تبقى عاوزه راجلها معاها.

بطلت كلام ع السد..

وانا خلينك عاد تحكي باقي الموضوع؟

يمكن يا حراجي اللي ملخبط مخي..

ان احنا أول مره ف عمرنا..

يبقى لنا موضوع..؟

وانت كنت من الغيط للدار..؟

يمكن..

يمكن مش مستحمله

مايقاش زوجة راجل مش أنفار.

زوجتك

فاطنة أحمد عبد الغفار

جبلابة الفار

فيه كلمة لسه باقية يا حراجي..

إشمعي الشغل تمللي للرجال..؟

أمال الناس كانت راح تعمل كيف..

لوربنا بس

خالقها كلها نسوان..؟

طب أنا دلوقت

ف عز شبابي وعفيته..

أقدر اشيل وانحت وأعبي وأشمر عبي وإقل..
زي الرجاله تمام واكثر.
هيه صحاب الشغل دي مش ليها الشغل وبس..
مالها ان كنت أنا راجله والا مرة..
أهو واحده من ضمن الأجر
أشتغل اليوم.. وأقبض أجره.
يعني بدال ما يخش البيت في الجمعة (رطيل لحمه)..
يبقوا رطلين.
مش شوره مليحه دي يابو القط..
واحده عفية زي يخلوها للشيل والخط..
مش ملي الجره والكنس.
هيه صحاب الشغل
مش ليها الشغل وبس..
والواحدة ما دام في الشغل كإنها في البيت..
مستوره.. ومتحشمة..
وعنيها مش طايره..
مش تبقى خلاص راجل؟
النبي لو قلت ده للجبلية
لتردّ ف وشي بيبانها.
والنبي والرجال ما تخليني أقعد مع نسوانها.
بس انا برضه
عاوزه اعرف ايه السد.

مش حتى عشان أعرف جوزي راح فين..
لما ركب القطر..
وساب الدار..؟

زوجتك

فاطنه أحمد عبد الغفار

جبلابة الفار



طبعا جاني جوابك وغسل قلبي..

يام القلب المغسول.

حطيت ف جيبي لحد ما خلصت اللي وراي.

شلت وطلعت على «الأستاذ طلعت» على طول.

بصراحه ومانيشي غريبه..

ما عايش القلب معاه يقدر يقعد مقفول.

ما باطيقش دلوك إلا معاه

آخد وادي في القول.

الفرق ما بين «الأستاذ طلعت» و«الملوي» يا فاطنه..

مش إن ده بلدياتي

والثاني غريب..

ولا إن ده غلبان زي حالاتي

وطلعت أفندي أفندي.. بحزام وقميص..

الفرق ان ده يقدر يدي وده لا.

الإدي عند الملوي فلوس.

والإدي عند الأستاذ طلعت بس كلام

بس كلام.. عمره ما يتقدر بفلوس.

والفرق يا فاطنه ان الأستاذ طلعت..

غير انه يقدر يدي.. بيدي.

إتعلمت معاه أقدر آخد.. وادي.

واللي آخده مش لازم يبقى ثقله ف يدي.
ومش كل لفنديات تقدر تدي يا فاطنه.
هنا في اسوان
ياما أفنديات وبتقلب قدام عيني..
أوحش من بعض..
أوحش من «عبد الرحمن الكرش»..
اللي بيدي للجبلية فلوس برّبا.
واللي ما يطلعش القرش
إلا إذا كان جيعودله.. شايل قرش..
مشونا آباتا واماتا السطه غلط..
إحنا طلعنا نلاقي صغارنا تعيد الشوره على كبارنا.
لو نستعقل حد غريب ونبوح له بمواقع..
نبقى ف عين كبارنا يا فاطنه..
زي اللي كسروا صندوق الجامع..
وطلعنا لقينا الدنيا موروته خلاص..
متقسمه عايلات وبيوت..
بيت صالح.. بيت العكرش.. بيت اب سلمى..
دى أخوي.. وده جوز خالة أمي.. ودي أم مرات عمي..
والبيت ده..
ما يفتحش ف وش البيت ده.. غير بابّه
عمري ما في الجبلية يا فاطنه
شفت بيوت فاتحه قلوبها لبيوت.

إلا لما حد يموت.
الموت بس اللي بيجمعنا يا ناس جبلاية الفار.
نقعد مع بعض.
كإننا نخل ف كرم.
إن هبت ريح ع الكل اتطوحننا زي الكل.
وان سكت الهواء يسكت ع الكل.
لكن نخله جعانه عطشانه..
شكوتها للتانية عار.
مين قال بام ولادي فتح القلب خطيه...؟
جينا ومتقاللنا: دول حبايبكم
دول نسايبكم
دوله عدوينكم.
واذا حس القلب بميل للجبهة المش مرسومه..
كفر.
جبلاية الفار أكثر من مليون جبلاية فار.
كل طقية ماشية لوحدها..
كل بيان بيت.. جبلاية فار.
إن قلت أبو امي راجل طماع..
حتى ان كان طماع..
حرام.. وأخش النار.
تنخر فينا العته ف مطارحنا
ما نتقدمش.

اللي يتقدم كافر.. نقعد.. لا نقول لا..
 ولا نصرخ.. وولا نعاقر.. لما نموت.
 بعد الزول ما يموت منينا
 يدور على اخوه الثاني.
 الحقاني.
 يدور على مرته اللي كان نفسه يتجوزها يا فاطنه
 ولا اتجوزهاش.
 يدورع البيت اللي كان يرتاح فيه..
 واتحرم في الدنيا عليه.
 في الجنة بس يا فاطنه..
 يقدر أيها واحد يمشي مع أيها واحد..
 يعمل بيته اللي يرتاح فيه..
 ويعمل عمره اللي عاش غيره وفضل طيلة عمره يحلم فيه
 بينه طوبه طوبه ف راسه..
 وشباك شباك..
 لحد ما يكبر ويكهل
 ويتوه منه العمر ويتفركت زي حبوب السبحه.
 لما الواحد شعره يشيب
 قلبه يشيب.
 جسمه كمان يشيب.
 والدنيا اللي كانت تحت صوابه ومش قادر يجياها
 ترمي في الهو..

زي شמוש المغرب لما تغيب.

يا عباد الله..

كل الدنيا مقلوبه يا فاطنه..

شايفها بعيني مقلوبه.

شايف جبلاية الفار متشنده قدام عيني ومقلوبه.

كله مش مزبوط.

كله مش مزبوط. باتعب.. راسي بتتعب.. وتلف وتندار.

وساعات اتمنى لو ارجع تاني

لحراجي جبلاية الفار.

البدن اللي شايل راس العضم.

الايد والفاس..

والضحكة الفارغه مع الانفار.

في الصبح اصحى مع الجذيان والفروج..

ومع الليل.. زي الفروج اثلّم.

بس خلاص..

رجلي زلقت وأخذني المشوار..

ساعات..

أقعد ابخلق في الحيط.. ميت ساعه.

«الملوي» يا فاطنه.. يضحكني.. ويوتسني..

إنما لاستاذ طلعت عطاويه جاييالي الهم.

بس انا غاوي الهم اللي خلاني أشوف.

قاللي بعد ما رجّعلي المظروف

:سلم لي عليها وعلى عيد وعزيزه..
فاطنه أميره يا حراجي وليها حق.
وقعدت اتكلم وياه ساعه.. لما تعبت..
طبعا هو تملي يقول للشغاله حراجي ده متعب..
واللهي ما فيه في الدنيا يا فاطنه واحد متعب..
زيك يا استاذ طلعت..
ده كلامه تقولي مناشير..
النبي في ساعات من كتر ما باتعب وانا باسمع له..
راسي تطفطق..

لو قفلت جوابي
من غير ما أسلم على عيد وعزيزه..
يمكن بكره تزقيني بخطاب
م الخطابات إياها..
الي انا عارفها
وانتي.. عارفها..
لكن معقوله يا فاطنه اسأل ع الولد
وانتي حسك للدنيا.. وعال..
معقول اعمل والدع الولد
وانتي يا فاطنه بعشر رجال..
؟

زوجك
لوسطي حراجي

مش عارف انهيه كان يبقى احسن..؟

الشغل كده ..

والأ لو اذوني مقطوعيه في جسم السد؟؟

مقطوعيه

اخلصها ف سنة في اثنين..

في ثلاثة.. ف عشرة..

أهو أبقى عارف الي عملته وبس.

يبقى اسمي عليها والا ما يقاش..

مش ده المشكل.

إشكالي يا بنيت خالي..

إني مش عارف.. فين الي عملته بإيدي

في الهيصه الكبرانه دي.

فين شغل حراجي القط

الشغال من ستين في السد..؟

يعني الي يا جي يقوللي..

فرجني ع الي عملته يا حراجي..

كيف حانطق وأردّ..؟

فين السميت ميت خبطة فاس..؟

راح اشاور على دول كيف وأقول

أنا عامل ده..؟

فين الميت ميت زنبيل التيل التقلانه..

إلي ناقلهم على كتافتي؟

مش باقي منهم غير العوجه الي ف كتفي.

يتحسبوا كيف دؤلم يا ولاد..؟

يعني الي يقوللي فين شغلك يا حراجي..؟

أشاور له على كتفي..؟

المواسير والصواميل الي طلعت عيني فيهم..

حاعر فهم كيف

من بين صواميل الناس التانيين..؟

عندك كانت الشغله في الجبلية بعد ما تخلص..

معروفه.

نمشي ونقول

«والله كبر قمحك يا شاهين..»

زارعه بإيدي يا رجاله وراويه..»

بابقى عارف..

في اليوم الواحد ده

عامل بالظبط الشغلانه دي.

إنما في الغول الواقف قدامي ده..

ماحدث عارف الي عمله ده

من الي عمله ده.

بيسّف ف جوفه اليوم وما يشبعش.

مش يومي أنا لوحدي..

يوم الألوفات دي .. يوم الألوفات ..

اللي بتنطق زيي ..

واللي بتترجم وتترجم باللفرنجي ..

انا ناسي كنت أقولك هنا في اسوان ..

فيه ولد عرب ..

وكمان فيه (خواجهات الروس) ..

جاين في مراكب من آخر الدنيا ..

ناس حُر ..

يقوللك يا فطاني .. بلدهم في الشتويه ..

يغطيها الثلج ..

ناس .. وسجر .. وبيوت ودروب

كله يغطيها الثلج ..

ولذا في الصيف الواحد هنا فيهم

يبقى شكل الجزيرة ..

أحمد ..

لكن .. دينهم شغل ..

الواحد منهم ما يقلش راسه من الشغلانه مهما يكون ..

كنا في الأول نضحك منهم .. نتمقلت يعني

« .. واه يا واكل ناسك ..

تور ..؟

سَد أبوك ..؟

راح تورث فيه .. بتموت نفسك ..؟

كانوا يمدُّوننا إيديهم فوق رؤسهم..
 فأكريتنا بنسَلَم.
 ما حنا كنا عارفينهم مش عارفين لغوتنا..
 كنا واخذينا سلاوة.
 لكن ويا فاطنه مسافة العام ما تلفت..
 كانوا حفظوا لغوتنا بالحرف.
 روسيا.. إسمها روسيا
 دوله..
 دوله كبرانه
 أكبر من دولتنا كثير.
 والناس دي يا فاطنه
 مش مجبوره ع الشغل عشان روجها..
 مجبوره عشاننا احنا..
 نقف على رجلينا ويبقى الواحد متناحر..
 كانوا غلابه زينا يومًا..
 وأتاري يا فاطنه
 يا ويل الدنيا لما تعاكس الفقرا..
 من قومة الفقرا الأجرأ.
 مش وقته ده موضوع طولان
 ما يساعهوش جوابات.
 ده عشان الواحد يحكيه..
 عاوزله ورقة جورنان.

حكاية ان الدنيا فيها دياهه وغلابه..
ده موضوع يلزم له ربابه ومداح وطيران.
بس الخواجات الحمر دي ناس زينه..
وجواب المحبوب ببيان م العنوان
تبقى حروفه صافيه وبتضحك
زي خضار الفدان.
أنا والله في عمري ما قرئت إلا جوابك..
وجواب الشغل.
بس حكاية ان انا باتطلع ع السد
ومش لاقى شغل حراجي..
حتضيعني.
يعني معناها أحب السد ده كله عشان ليا فيه شغل؟
حياة النبي لؤما الي ماسكين دفعة مركب دنيتنا يا فاطنه.
طب إيه الفرق ما بيني
وبين طلعت والملوي وخواجات الروس..
أهو كله بني..
ويبقى هو بتاع الكل
يعني أيها حد من الشغاله ليه في السد ده سد.
حكاية مليحه.
ما يبقى كمان انتي الي دفعتي لحد الوقت..
ستين من عمر حراجي
وستين م الشوق والصبر..

ليكي زيتينا يا فاطنه في السد.
كل اللي بيشتغلوا
مش حاسين بالموضوع ده..
لكن مخ حراجي مش يبطل زن.
إيه أعمل في دماغي المتعب ده يا فاطنه..
اللي تروسه دايره
حتى وانا نايم وبعيد..
مش أولى بفكري ولفه راسي يا فاطنه
عزيزه وعيد..؟

زوجك
لوسطى حراجي

اسوان *
زوجي الفاني *
لاولطر جاجر القط
العامل في
الحسد العالي



زوجي حراجي..
ولادك عال..
والبيت مش ناقصه غير حسك.
من يوم ما مشيت وفضيوا اللزكان.
وكإنك خدت البيت وياك اسوان
وما سبتلنا إلا حيطانه.
ان خلص الزيت والشاي في الدكان..
صاحب الدكانه يقفل دكانه.
عيد وعزیزه
هم اللي مخلصني مش قافله الدكان.
لكن انت حسك كان مدي للبيت قيمه.
زي ما كون المطرح قالع توبه.
وزي ما كون يا تراب البيت مالكاش ريحه.
وانا مستنيك..
اللي انا عارفاه اني مستنيك.
صُح انا كان خوطري تاخدي معاك..
لكن .. وما دام الأمر كده..
مستنيك. سنة .. سنتين .. عشرة..
انشالله حتى تقضي باقي العمر هناك..
فاطنه يا حراجي حثتعد مستنيك.
آهو دلوقت توين اتقطعوا على بدني وعلى بدن الولد..

فهمني.

لانا ناظر البوسطه..

ولا انا «حزّه اب يوسف»..

لا باتاجر في القمح ولا الدخان..

انا مش عارفه انت بتعمل إيه..

ولا بكره حاتعمل إيه؟

لكن أقدر اقولك فاطنه حتعمل إيه؟

انا شغلتي بيتي وولدي.. لكن اسمع..

ما دام الغيبه طويله

طبعا فاطنه حتبقى راجل البيت..

فيأبقى راجل صُح.. يا إما بلاش.

وعشان ابقى راجل البيت صُح.

يبقى لازم امشي اللي ف نحي

واللي انا شايفاه..

طول عمر المرّه منينا

ما سابوها يا واد خالي..

تعمل حاجه في البيت.

إلا ان كانت القعدة قدام القرن..

وحط الطاجن ع الكوانين..

ده هو البيت..؟

البيت مش ده.

مش انت بعيتي في جوابك..

قلتني الدنيا ما هياش القرش ولا اللقمة

ولا الهدمه ولا الغطيان..؟

انا برضه شايفه كده.

مش انت قلتني

إن الشغل يخلي الناس مش ناس..؟

أنا برضه شايفه

إن الناس من غير الشغل..

بيتلطعوا على حيلة الدنيا.. زي الدبان.

ولا يبقى لهم معنى ولا إسم

وتضيع منهم ريحة الرجاله.

إحنا بيتنا ديوان.. وسباط.. ومكان الفرن..

والحاصل.. والكرم.

الكرم بتاعنا يا حراجي قراطين.

إتناشر نخله وتحت النخل.. القراطين.

أنا لو شديت حيلي

وسقت القراطين.. أيها عوزه..

ويكه.. برنجان.. برسيم

أبقى نفعت.

مش بس عشان سديت خانه..

إنما علشان

ترجع.. تفتح الدكانه.

أهو بدني يبقى لي كلام وحديث وسط الناس.

حازرع بيدي..
 أنا مش محتاج غير الغله اللي ارميها..
 وتلات احفان.. كياوي
 دول قيراطين..
 انا مش زارعه اتناشر فدان منجه.
 وحاجيب بگره جديدة للبير.
 أطلع اوصي بكره عليها.. «علي النجار».
 ساعتها أقدر أتكلم مع تجار..
 مع أجري.. مزارع..
 مش عيب الي بيشتغلوا
 يستوروا م الي بيشتغلوا.
 ساعة دي بس..
 حاحس اني راجل وسطهم يا حراجي.
 بازرع قراطين.. هيه القراطين هيئه يا حراجي..
 تتباع ملوختهم في السوق يوم السوق.
 أبوه.. حاطع ابيعها في السوق.
 ماطلعشي ليه السوق؟
 هوه أنا رايحه فين..
 رايحه أبيع عرقي وأجيب حقّه
 مافهاش حاجه.
 وفاطنه ما تبقاش فاطنه بت احمد..
 لوم الجبلاية كلها تعمل نسوانها زيبا يا حراجي

ليه..؟ واحنا حاجه في حوايج البيت..؟

أنا ليا مخ.

ماحدث ليه عندي حاجه لما أشغل غي.

قراطين أرض وبير.. متاشر نخله..

ده كفايه النخلات يشربوا من جنب الزرع.

ده حتى بلحاتهم ضمروا.

يبقى انا حازرع..

وأدينا قلنا لك.

عيد امبارح قاللي: «عشان الواحد بس يخش الكرم..»

وعشان يبقى ف بيتنا حاجه خضره وبس..

من يوم آبا يامه ما سافر ما طلعتش غيط..

اهه كنت باودّي له الأكل..

أوديله الدخان والجوزه..

أروح له ف أيها عوزه..

دلوك م الكتاب للبيت.. م البيت للسوق..

م السوق للبيت.

لا ف سكتي زرع..

ولا عدت باشوف زرع

يبقى نزرع يا امه..

واساعدك انا ف أيها عوزه..

أقلها أتعلم زرع..

يعني أنا حاطلع دكتور..؟

مش برضه اياه.. آخرتي للزرع..؟

مالناش دعوه باللي بيقوله..؟

لكن مش باين إنه بدا يهتم..؟

إحنا حنزرع

في جوابك أبقي تقولي هم بيدولك كام في الشغل.

انا ما تهتميتش اعرف قبل «حكاية الكرم»..

علشان نعرف بس !!

وان كانت فايضه فلوس في صوابك..

إبعثهم.. إحنا اولي بيهم.

بدل ما يدوبوا في جييك نزرع بيتنا.

القرش الناس بتجيبه عشان تعمل عوزه..

مش علشان ترميه في الجيب..

يستنى عوزه لسه قاعدة في الغيب.

يالله..

عشان يبقى لنا نفس نقولك..

من عندنا يبسلم كل البيت..

أنا الولد وكرم النخل.

ساعتها بس..

حنرجع تاني من سكان جبلاية الفار.

زوجتك

فاطنه أحمد عبد الغفار

جبلاية الفار



زوجتي فاطنه ..
زي القطر ما يدخل باب الجبلالية..
مالي الدنيا عقر ويطير فوقه الدخان
جاني جوابك.
حسك عالي
وعزملك بتسوى على ناره الرغفان.
واتاريكي زي حراجي نفّسك حامي..
امال كتي بتعملي زي القمرية ليه قدامي..؟
بقي شمركي دراعك؟
وخلص لبستي عيد لبس العسكر..؟!
من أولت امبارح
وانا قاعد ماشي في الشغل بافكر..
فكرتيني بنتاية النخل.
الي ما تطرحشي إلا ان كانت تتذكر.
وانتي
مش اقل من النخلة المش كتي أكثر.
بس المواضيع دي يا فاطنه عاوزة العقل..
انتي حتذكري روحك مش زي النخل
النخل مكانه ومن الحول للحول..
يطلع منينا الزول..
ويحط الشماريخ وسط سبايطه.

إنما موضوعك مش سهل.

قلت لروحي:

طپ مانا..

بصیت علی روحی لقیتی قاعد جوہ القطر..

والقطر يرمح على قُبلي..

وساعتها برضه ما فکرش..

ما عنيش اسأل على ناس راحوا السدده قبلي..

أما انتى فقاعده فمطرحاك.

ده انا كان الخوف م الغربه هازرنى هز.

وماله لما تسوقى الكرم..؟

أهه أنا ياللى راجل..

من يوم امي ما ماتت..

القراطين ماتوا..

والسنوات فاتت.

ما تميتش أزرع ولا اخش الكرم..

قال كرم امي ولما باخش الكرم تم

ولا حتى دخلت الكرم.

قال إيه كل ما بادخل فيه كل ما يركبني اهم.

يعني أمي قال..

كانت راح تزعل لم أخش..؟

ہیہ امی..

كانت غاويه النخلات يضمروا والأرض تموت...؟

ونسيت الكرم.

ونسيت النخلات..

ونسيت حثات الزرع الخضر.

كان بيتنا ايامها ليه ريحه وليه لون.

طول عمري بالف ازرع في اراضي الكون.

لم حببت زيك يا نبات الكرم ده لون..

إلا لون السد.

ده الزرع صحيح اللي سقيته بشقايا.

والواحد منينا يا فاطنه لازماً على ظهر الدنيا..

يترك لون.

مره.. راجل.. لازم نطلع منها سايين لون.

ايد البني آدم ما تسييش في الأرض دي لون

ملعونه..

وصاحبها ملعون..

سبعه جنيه المتوفره في المده.

برضه ما تسألينش ع الأجره يا فاطنه..

الأمره اللي باخدها

ما تجيبش حاجه جنب الهده..

واوعي تقعمزي..

وتقيسي السبعه جنيه دي ع المده.

القرش اللي انا باخده يا فاطنه مش قبضيتي..

أنا باقبض حاجه تانيه من السد..

ايه هيه..؟

أنا مش عارف..

لكني حاسبها تمام.

كل ما عدت ليام..

كل ما باعرف قيمة شغلي وقيمتي.

عارفه كده.

زي ماكون الواحد كان كافر

ودخل دين الإسلام.

وأتاري يا فاطنه

توب الواحد منينا فيه مليون جيب.

غير الجيب اللي بنشيل فيه القِرَشَات.

فيه جَوَّانا «أراضي» وسعانه جعانه عشطانه..

مهما رميتي فيها كيماوي ومواوي..

ما تشييعهاش.

تحلم بالشمس الشتوية.

والصيف

تحلم بليان اليوم الهاوي.

امبارح شفت السيميا

جابوها لنا في السد.

اتلموا العمال زي المجانين

تقولي يا فاطنه..

يوم الحشر.
رجالہ کبیرہ وشایہ
بقت تجری زی العیایل
الحقوا یا عیال..
جابلنا السیما من إسوان.
تقولي روسهم مخرومه..
وقعدنا..
بعد المغرب..
مکنه السیما زی عیون الیس..
ما تشغلهاش إلا الضلمه.
انا جات قعدتی جنب المکنه..
نصبوا لها ملایه بیضا.. فج النور..
ولقینا روحنا فی الشاشه..
لقطولنا النضاویر واحنا بنشتغلوا
من غیر ما نحس.
وجابلنا القصة من الاول
شفت الرجاله هم هم..
بوشوشهم..
والعریبات ایاها..
والمیه..
والأنفاق..
والصخر..

وهيجان المية..
 شفت الدلا ميت في السيميا..
 وقعدت أدور على نفسي..
 مالمقيشي حراجي..
 لكن لازم أنا كنت على الشاشه
 بس ماخدتش بالي..
 طبعاً أنا أكثر واحد شغال..
 يبقى ضروري طلعت على الشاشه
 بس ماخدتش بالي..
 والبكره تلف..
 وعين ع الشاشه وعين ع المكانيكي..
 أباي لو شفتي يا فاطنه السيميا بعنيكي..
 أدي من لحضتها والعمال
 يقولوا عاوزين السيميا..
 وكما طلعت عمال تقول
 اشمعني عمال كيا..
 ليهم سيميا..؟
 إحنا عمال السد العالي اكبر من ميت كيا..
 لازم نجيبولنا السيميا..
 ودي حاجة من ضمن الميت حاجة المحتاجها البني آدم..
 وبيا عالم..
 فيه إيه ثاني!!

مش لقمه وبس يا فاطنه..

أنا مش تور.

روحي عشطانه لميت حاجه.

والسد يفتح لي ف روعي مليون طاقه.

الواحد منينا..

مش إسم وبس ومتقيد في المدرية يا فاطنه..

وف جيبه بطاقه..

وعموما..

وصي على البكره وسوقي القراطين..

وأقل ما فيها لما تدوقي طعم الشغل..

عترفي قولي ده رايح فين.. جاي منين.

وما دام قادره تدادي الولدين

جنب القراطين

يبقى يا مرحب.

وانشالله حتى تغور السبعه جنيه والزرع يقف ع الفاضي

لانا راح أقولك ضيعتي شقايا.

ولا راح أجرك ع القاضي

والاستاذ طلعت مبسوط

زي ماكون خش ف جيبه ميت ألف جنيه.

باعرفه دلوكتي لما يكون مبسوط..

حتى لو كا ضحكش انا باسمع روجه فرحانه.

قاللي: «وانت إيه رأيك يا حراجي.؟»

قلت له: يا عمي ده قولها بقى اصعب من قولك..
دي بتكلم ع الزيت والشاي والدكانه..
يمكن راح تطلع واعظ..
والا كبيرة قوم..
قاللي: يا حراجي لا..
ان تم اللي ف راس فاطنه..
احسب يا حراجي لفاطنه العمر من اليوم..
أنا عشمي فيكي كبير..
سلمي ع الواد عيد..
وقولي له طول عمرك يا وليدي كبير..
راجل.. والدك راجل..
وامك راجل..

زوجك
لوسطي حراجي

اسوان *
زوجي الفاني *
لاوسطي جارجي القط
العامل في
الحسد العالي



زوجي حراجي..
مبسوطة اللي بسطك موضوع الزرع.
من غير ما استنى الإذن..
ولا آخذ المشورة منك ومن الغير.
مديت يدي.

سهل على الواحده يا حراجي مهمن كانت..
تعرف فين الشر وفين الخير.
وصلتني السبعة جنيه.
قلت ياما انت أمير يابوعيد.
خدت معايا «يامنه النص»..
ورحنا «العلي النجار»..
كان خلّص لي البكرة..
وجبناها..

يومها.. لا قاللي مالك بالبكره يا فاطنه..
ولا ليه عايزاها..

قاللي بتسعين قرش عشان عيد.

ربنا يبارك لك فيها

ويطمنا تملي على حراجي.

«يامنه النص» حكّت لحريم الدرب.

ظاظوا عليا النسوان.

دخلوا وطلعوا وكلّ مرّة بكلمه.
والرجاله كمان.
وسمعت ان الموضوع فتحوه الرجاله.
عند الدكان.
اللي يقول شوره مليحه
واللي يقول ده جنان
زرع ايه ده كمان اللي تشيله النسوان...؟
رجاله قالت نخدم بعيننا..
ورجاله قالوا
ده لازم عنديهم قرشين فايضين..
عاوزين يتزنطروا بيهم..
بلا قلة عقل وقلة تربية وقلة دين..
والنسوان ماشين طول اليوم
يتمقلنوا يا حراجي عليا.
أنا عامله مش سامعه.. باشوف بس.
هيه النسوان دي يا راجل
كانت تتكلم ولا تهتم..
لو غطسوا ف شغلانه زي حكاية الكرم...؟
دول من كتر القعدة الخاليه
بيصدّقوا ما تلاقي الواحده ميثم..
تقعد نهارين تندب وتعدّدع الميت والحى.
الواد «مسعود واد عرفه».. جاني.


قالى يا فاطنه مش كتي تقولى..
 آهى فرصة نرد جمائل ابو عيد ونأجر.
 قلت له يا مسعود كتر خيرك..
 قالى : «دول قيراطين..
 وانا لفيتها بحاير ومحاجر».
 قعز وسقته الشاي..
 كان عندي «عيشه اب عفون».
 و«نقيسه الحاج احمد».
 قالى قومي كده ورني الكرم
 دخلته من الباب..
 بص على اقيراطين..
 قالى : «عال.. وكيان بكره بنديده»؟
 دي حكاية سهله تمام..
 خلاصة القول..
 في مسافة أربع تيام..
 كانت أرض الكرم بتستى الغله
 قسّمها جداول وحيطان.
 قالى : «نزرع حله وجلبان»..
 قالوا الناس : «لا..
 ليه هيه مريه عجول..
 نزرع كمون».
 بقت الناس حواله كثير دلوقت..

لكن برضه..
 ما حادش من قلبه مصدق موضوع الكرم
 «حسن أب بعرايه»
 إداني كيس كمون.. ببلاش..
 مسعود.. بطلوع الروح..
 لولا ماخذ من يدي الثلاثين قرش..
 وانا برضه شيعت ف بيته يوم السوق مع بته
 بريال لحم..
 حطيت له سبخ أضفر..
 قالوا الكمون ماهوش الملح..
 إبعدي عن صنف كياوي يا فاطنه للكمون..
 «والشيخ حنضل» راجل دون..
 لا ما تزعلشي يا حراجي..
 عمك عمك..
 بس طلع دون..
 يمكن هو دون من بدري..
 بس انا يالي ماخذتش يالي..
 قاعد يتمهزأ بيًا في الجبلاية
 ويلالي بحسه المصلوخ:
 «مش فاطنه أبو احمد يا جماءه قال
 ناوية تزرع كرمها خوخ؟»
 أنا عارفاه يا حراجي حسودي ونكدي..

عمره ما حب الخير للناس ..
وهو لو كان وياك الشيخ حنضل
في اسوان يا حراجي ..
كتتوا بنيتوا السد ..؟
ده مره كان عنده مشوار للمُدريّه ..
وعشان بس ما يدفعشي حق القطر ..
دبر «الأبو المجد اب شلبي» حكاية الجهاديه.
يرميه في النار يا حراجي عشان حق القطر ..؟
لكن ناس الجبلاية واكلين وشه.
وعموما ..
بكره الكمون راح يكبر وحاشه ..
وحاييعه وحاييقى في جيوبى قرش
وطبعاً قرشي حيكون أبرك يا حراجي من قرشه.
عيد مبسوط والدنيا مش سايغاه ..
زي الواد ما يكون ردّت فيه الدمويّه ..
طالع .. داخل .. طالع .. زي صحاب الملك.
والبّت عزيزه اليوم كله بتجري في الكرم ..
والهيصه غلّيّاها زي المجنونه.
دلوقت الكمون خضّر ..
وانا حاحكي لك أخباره أوّل باوّل.
وانت تكلمني ع اللي عملته في اسوان.

من أول عمنول.
ده احنا ما قلناش حاجه يا حراجي..
مع إن الجوابات كتار.
عايزه جواب منك وزنه قنطار.
دلوقت انا فاضيا لك..
واقدر اسمع.

زوجتك
فاطنه أحمد عبد الغفار
جبلابة الفار





ناس «الخراشية»..

أكرم من ناس «الكلاحين»..

.. ناس «قوص»..

خطافين جلايب وطواقي.

.. يا رايح «فرشوط»

خد أكلك مربوط.

.. ناس «العجمية» كل كلامهم كذب ف كذب..

مش ده اللي تملّي يا فاطنه..

بنقوله في الجبلية؟

مش دي موازين الناس للناس..؟

هنا في اسوان

عرفت اننا قضينا العمر غبا وتهجيص.

زي النواطير اللي ع البير..

البكره تلف عليها..

وإيد الناس

هيه اللي بتملّي البلايص.

وانا وانت يا فاطنه.. كنا النواطير

يملوا ويفضّوا على كتافنا

ولا نقول حاس..
 غلطانة يا فاطنة الموازين
 اللي تطلع ناس «الخراشية»
 أكرم من ناس «الكلاحين»
 في كل مكان يا فاطنة..
 الناس هيه الناس..
 وكان جميع الخلق رابطها مقاس..
 مقاس واحد
 والفاس..
 اللي بتمسكها يد ف قلوب..
 نفس اليد بتمسكها ف دشنا وشترنوب..
 زي ما كل بلد
 فيها الزين والشين
 المستنور.. وأبو دماغ الطوب
 كل بلد تانيه فيها نفس الحسبه
 المعدول جنب المقلوب..
 ده انا وارد قدام عيني هنا في اسوان..
 خلق..
 قبائل من ميت صنف ومن ميت لون..
 الصالح.. والطالح
 والعاقل.. والمجنون..
 ابن الأصل اللي رغم شقاء وخلو اليد..
 ..

كريم.. وأصيل.. وحنون
والي المال ملو جيوبه لكين دون.
الوش الأتلم من موس «عم رفاعي الحلاق»..
الوش التعبان لكن حامي
وأخذ من السيف المسنون.
الي حداكي حدايا..
القمرية الي تغني ف عز الضهر الحامي
والحداية..
والناس مسافات وسلام:
سواق النورج والنساج والعالم
خالي الشغل وصاحب الشغل
والكذاب
الي يزور والي يغير معنى الآيه
كله هنا حواليا..
وفي الشغل معايا.
أما عن ليه انا باكتب كده..
وأقول القول ده واخوض في الموضوع ده..
ليه؟
ردًا على قولك بخصوص «الأستاذ»..
يعني موضوع عمي الشيخ حنضل..
وان احنا بنينا السد.. عشان..
ما فيش عندنا م الشيخ حنضل.

السد يا فاطنه.. يا مرقى
قولي بجر كبير لم الناس من كلها دين..
من كلها صنف وشكل.
الناس الي ابريقها يملئ كبابي الكل..
والناس الثقل.
الناس القمح.
والناس التبن.
الناس الي تمشي تزرع فرح ف وش الناس
والناس الي يفرعها غياب الحزن.
الي زارع نفس ف قلب الناس
والي رامي نفسه ف سجن.
الناس الي تشبه فاطنه احمد عبد الغفار..
تزرع كرم ف قلب الموت
لو حتى خاطتها عيون الجن.
والناس الي ف صورة الشيخ حنضل.
الي كلامه أمر من الحنضل.
سبيني الأول أحكي لك.. عن «جابر لاعور»
والأ (حسين العكرش) .. أحسن؟
ولا احكي عن «الحاج بخيت»؟
ولا «الأستاذ طلعت»؟
لأبرضه أحكي على «جابر لاعور»

«جابر لاعور» ده..

لكن لا

.. لازم أحكي لك قبلا «العكرش».

أصلنا في الجبلية يا فاطنه..

كنا واخدين أكبر مقلب

في «حسين العكرش»

يا حاج حسين.. يا حاج حسين..

قطع الحُسن وقطع الحاج حسين.

وقال كنا لما نقابله جاي من سفره..

نجري عليه ونسلم ونقوم بالواجب.

كبرناه.

زي الشيخ حنضل يعني هوه كيف صبح الشيخ حنضل؟

يعني هوه صُبح يا فاطنه كان شيخ..؟

إحنا اللي شيوخناه.

عمل إيه..؟

سقت فلوس المندره جوّه ف مصارينه

رقع لنا حيطه منها.. وقال هاتوا تاني.

وبناية الجامع كتفنا دافع فيها قليل..؟

ما انتي فاكراه يا فاطاني..

أكرم التعب اللي خده مني السد العالي.

خلينا في «حسين العكرش».

أنا قلتك عصرية فتح الموضوع
 كنت معدي قصاد «واذ الطواب»
 لما لقيته قاعد... لابس الصوف.
 ويلعب بالخزانه
 اللي مدلوقة من حجره على الأرض.
 رفعت إيديا.. وغمغمت سلام
 وبص شويه للي معاه..
 ونده لي.. بعد ما عدت الدكان.
 قاللي: «يا واد يا حراجي..
 إنت جدع..
 بتهدل نفسك هنا عشان ايه؟
 ما تيجي نوديك اسوان؟
 ولا انت ما تستحملش الغيبه عن البيت..
 يمكن بتحب قعاد النسوان.
 هيه يا حراجي.. قلت ايه..
 إنت صغير..
 تعملك مستقبل مين عارف الدنيا..
 قلت ايه؟
 قلت: أرد عليك الصبح يا حاج حسين.
 وجعتني الكلمة اللي قالها لي في الآخر:
 «أنا مستني..
 شاوژهم.. وتعال».

أهو هوّه دهه هوّه «حسين العكرش»..

أهو ده يا فاطنه هوّ الحاج حسين.

الشخص اللي يملك يقلب بيت اتنين

زبي وزيك

بمشاورة إيد.

وقلب عمري وهو قاعد قصّد الدكان.

بعزقنا..

كل ما مِتّا ف ريح..

لكن للحق يا فاطنه حيّته لمان جيت.

وحيّتك أكثر

لما قلتي لي: «روح».

عارفاك راجع يا حراجي..

حتى لو رحت.. ف مطرح ما تحط الريح..

عارفاك يا حراجي مليح..

حتغيب وتودّ..

وان شبعنك ... حترد..»

وسافرت معاه...

ع القطر قطعلنا ورق السفرية.

وركبنا معاه.

بس احنا كنا ف عريه

وهو ف عريه.

بس ما قمتش يومها أشوف..

ليه هو ف غير العربية.
مكاشي ده همي..
همي كان
صح ده يا حراجي ولا غلط.
جيك اسوان؟
مرعوب ز.
مش لاقى ونيس.
كنا كائنا بالظبط يا فاطنه غنم..
مطلوقه لوحدها في الغابه..
دارت بيا الدنيا وما عرف رايح فين..
ولا جاي منين.
قولي نزلنا..
قولي اتقيدنا.. في دفاتر مالهاش عد..
بعديها..
أتاري يا فاطنه ده شغل مقاولين..
حدّ يسلمنا الحدّ
ويقبض لما يسلمنا الحدّ.
وكان الحاج حسين العكرش متفوق ويانا..
إنه حيدنا أجره سبعة وعشرين قرش..
ده أتاري نمنا احنا..
تلاتين.. في السد..
وكل متاول يا جاي بحزمة أنفار..

يَقْبُضُ عَنْهَا فُلُوسَ .
بَقِينَا يَا فَاطِنَه بَعْشَرِينَ .
قَلْنَا عَشْرِينَ عَشْرِينَ .. مَقْبُول
وَاتَسَلَمْنَا الشَّغْلَ هُنَاكَ عَلَى طَوْلِ .
وَحُسَيْنَ الْعَكْرَشَ لَمْ رَأَيْنَاهُ .
دِه أَتَارِي يَا فَاطِنَه ..
وَلَا صِلَّ لَهُ بِالسَّد ..
وَلَا بِاسْوَان .
حُسَيْنَ الْعَكْرَشَ إِعْتَبِرْهُ دَكَان ..
وَالْبِيَاعَ بِيْتَا جَرِّ فِي الْإِنْسَان .
الْحَتَّه بِسَبْعَةٍ وَعَشْرِينَ .
خَمْسَه وَعَشْرِينَ .
ثَلَاثِينَ .
قَبْضُ وَادِّي لَكَ .
عَمْرِي مَا بَصِيَّتْ لِحُسَيْنِ الْعَكْرَشَ فِي الْجَبْلَايَه ..
عَلَى إِنْهُ بِيْتَا جَرِّ فِي النَّاسَ .
وَلَا جَبْلَايَه الْفَارِّ لِلْآن ..
عَارِفَه مِينْ هُوَ حُسَيْنَ الْعَكْرَشَ
الْعَيْنَ الْمَاشِيَه وَسَطِيْهِمْ ..
تَتَفَرِّجُ عَ الْوَلَدِ وَهِيَه بِتَكْبَر .. وَتَشَب ..
وَتَحْلُمُ بِالْيَوْمِ الِّي تَسْلَمُهُمْ فِيهِ ..
فَوْسَفَات ..

شرطان مسكه حديد..
 كبريت..
 اسوان..
 ترمي.. وتقبض..
 وتروح الولدات.. وتغيب..
 والامات تتطلع تحت الباب..
 وعلى العثبان..
 تستنى الي ما يبجوش..
 ده حسين العكرش يا فاطاني..
 ده حسين العكرش نفسه مش الصورة..
 ده هوه حسين العكرش..
 اللي بانقذ من ايده ولادي..
 عزيزه وعيد..
 لازم يكبروا في طريق ثاني..
 يمشوا في طريق ثاني.. بعيد..
 ما تفقصني في لحومهم بصة ذاك العكرش..
 اللي لابس صوف ومكرش..
 من وكل اللحم وشرب عرق ولدات الناس..
 في السد يا فاطنه..
 صنفين م الانفار..
 صنف الي تبع الشركة..
 وصنف مع مقاولين..

وأنا كنت مع مقاول..
 من يوم ما باعني الحاج حسين..
 لحين م الأستاذ طلعت
 دلدي حبال الخير ونتعني من الكحت
 ومن التخريم.. والدلاميت..
 وبقي يمرني على شواقه «البوندوزر»..
 والله غلابه الفقرا..
 وما غلبان إلا انا..
 كل ما باصحي باشوف..
 وكل ما اشوف..
 عيني تصبح وسعانه..
 أشوف تاني..
 وأتاري في زماننا..
 الشوفان جزن..
 شوفي ف الأول كيف حراجي
 كان مبسوط بالشوف..
 كان مبسوط بالظوف وبمعرفة الدنيا..
 لكن..
 كله قلب دلوكتي معايا يا فاطنه..
 بخوف..
 الشوفان بلوة..
 لما عنيكي تحت جبال المتر هنا.....ك..

... رايك انا يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

... من فتاة يا حبيبتي

توعى ل حاجه حلوه...

تقصر ايديك عنها.. تعجزي

تبقى قاعده تشوفي بس

لازم يحزن فيكي الحزن

يقطعلك روحك

المليون وش..

اللي حتولع شغل

وبتخانت بعضها ع القرش

أفندي ازعر ما يعبر حد..

مقاول بيغش.

السد العالي..

الخير.. شجرة فاكهة..

تستغري كيف طالعه في الأرض الأملح م المش..

كل ما اشوف

أحزن وافرح وأكش.

الموت تحت عينا ف كل دقيقة.

كيف السد العالي يكون هو الراحه

وما يطلعني غير م الزمته

والضيقة..؟

عامل مربوط في الثاني بحبل..

واحد فوق ماسك في الصخر..

والثاني بيتزحلق على نص الجبل العالي..

متدلّدل في الحبل..
وفي يده بابلور التخريم..
يفحت يفحت يفحت..
ويحط صباغ الدلاميت
أو يحقن شرخ ف حيلة الصخر
لو مالت بيهم صخره..
يقعوا اللتين في الهو..
يقولوا دو..
وتروحي يا فاطنه تلمي شوال اللحم.
وأفنديه ودانهم مسدوده..
يتكلموا م المناخير..
وندوس على قولنا وخبرتنا
إذا اتكلموا هم..
حق إذا كان المتعلم غلطان..
لازم اسكت انا..
وهو يتكلم
وايش جاب الصح ف قول الغلبان..
الصح يا فاطنه بس
ف قول المتعلم..
أما أنا..
فانا قولي مشن مسموع
إلا عند الأستاذ طلعت.

أنا لازماً كنت حاعود.. للدار

لولا ماخذني خداه.

ونجدني من تعب الأنفار.

الموقع كله..

ميه .. وطن..

ولذلك في آخر كل شتا..

يكتروا عدد العاجزين..

في الرادو يا فاطنه يقولوا بنينا السدّ

لكن ما حد..

قال .. السدّ بناه مين..؟

بنوه كيف..؟

قاعدين.. ولا نايمين.. ولا قايمين..؟

وادي عدت ست سنين.

وادي حراجي الغلبان بقي زي الشياطين..

عارف أمر الدنيا..

وسرّ الطين..

لكنّ حراجي ابو ضحكه ترّجّ النجم..

مات مني يا فاطنه..

وبقيت دلوقت حراجي تاني..

حزين.

زوجك

لوسطى حراجي

اسوان *
زوجي الفاني *
لاوسلر جراجي القط
العامل في
السيد العالي



زوجي الغالي

يا تطمينة القلب الخائف ..

يا كلمه بادقي بيها عودي و عيالي

وصلني جوابك لقلقني

وقلق بالي.

من يوم ما مشيت ..

ما خفت عليك إلا النوبه ..

من يوم ما مشيت ما حسيت بيك وحداني ..

إلا النوبه.

وكإنك سجرة حنه .. قليله ..

بتطوئها الخماسين

على جبل النوبه ..

إرجع يا حراجي ..

إرجع والمره دي ..

لا باقولها خوف ولا شوق ..

إرجع ..

إتدق في بيتك و عيالك ..

لا السد لا بوك ..

ولا كانت جبال اسوان جبالك.

راح نفضل طيلة العمر نبيع العمر

- وتقبض قول.
ست سنين شغال..
ست سنين..
ست سنين ونسأنا لم نايمة في باط الرجال.
لم جابوا عيال.
السد حبيجي بخير..
السد حبيجي بخير.
فينه الخير يا حراجي..
بعذك خير؟
خوفك ومرارك في الغربه.. خير؟
يختبرني.. وسندلة المركب
بيأ وبولادك.. خير..
تشفوروا ع الخواجات
اللي بيهلكوا أعمارهم فيه؟
يعني انت اللي حتورث فيه يا حراجي؟
انت اللي حتورث فيه؟
مش هم السبعة جنيه..
يعني بعد ما يخلص حيبوسوا إيديك..
ويطاطوا تحتك..
ويقولوا شبيك لبيك..
بكفاية ست سنين
جينا الدنيا غلابه يابو ولادي..

وحنرحل برضه فقارى ومساكين.
بتفرّق عمرك على مين يا حراجي
على مين..؟
الوارثين في الدنيا..
حيفضلوا وارثين.
والي اتولدوا تحت سراية العز..
حيفضلوا مادين الإيد
لا حيدخلوا م البوابة.. ولا هُم طالعين.
صدّق فاطنه وتعال.
هات الرجال وتعال.
أهي هيه هيه الحدوته
مش كنت بتزرع هنا في أراضى الغير..
واخر الحول تكون اتهديت..
والغير ياخذ الخير..؟
عندك نفس القصه يا حراجي..
صدق وتعال.
لورا ح يدؤوك.. كانوا ادؤوك.
همّ ما عاوزين منك غير..
حيلك..
ليتى حتقعد عُبطا كده..
يلعب بدماعنا ديتي.. وده..؟
هاودني وعاود.. قراطين ازرعهم..

وحداك غيال.
تنهب جهدك على مين؟
دي عباد شرسه
بكفايه ست احوال.
عاود..
شفقانه عليك..
قبل ما ترجع مكسور لك رجل.
يعني بعد ما تخرب يابو عيد..
عيقولوا حراجي ده راجل كان شغال ومفيد
إدوله وظيفه بيه..
إياها السبعه جنيه يا حراجي..
اياها السبعه جنيه.
إذا جيت مكسور..
السد يا راجلي راح ينفعنا بيايه..
هو الي بيخرب حدا واحد..
الواحد ده..
بيعس عليه..
أبدا..
إياها السبعه جنيه..
السد العالي هو الحاج حسين العكرش..
صدقني وتعال..
لا تفرح بركوب (البوندوزر)..
١٥٧

تفرح على إيه..؟
مش هيه السبعة جنيه..؟
السبعة جنيه تقدر هنا برضه تلقّطها
في الجبلالية.
غير القعدة في بيتك..
ومع عيالك..
ومعايا..
إيه لازمته تاني المشوار..؟
إذا كان حتى ان شفتاه معدول..
نلاقه في الآخر..
برضه مشيناه بالمندار..؟

زوجتك

فاطنه أحمد عبد الغفار

جبلالية الفار



والله وتعبتك ويَا يا يا فاطنه.
لا هو إنتي فاكركه ان الحل..
هو رجوعي وقعدتي وسط الأهل؟
لا هو إنتي فاكركه.. أهلي.. دلوقتي
إنتو.. وناس الجبلایه..
غلطانه يا فاطنه غلطانه..
لا هو إنتي فاكركه إني أقدر أعيش..
برّه السدّ وبرّه طين النيل والصخر..
أقدر أعيش برّه الآه واللا..
برّه اللّسود واللّبيض..
برّه الزين والشين..
برّه وشوش الناس من طيّب لِردي..
غلطانه يا فاطنه..
عمري السابق ضاع..
لا فاكركه له سنين ولا أشهر ولا أيام
أنا كل اللي عشته ف عمري..
كان .. في الست أعوام..
في السدّ..
صحيح أنا شارب فيه المر..
لكن للمرّ يا فاطنه هُنيه

طعم غريب..
غير مَرَّ الجبلايه تمام ..
أنا هنا مولود موجود مفقود..
مع بعض ..
باهلك غاوي الهلك..
وكإني بابني بيتي أنا .. وبيتك..
صُبح انا مشتاق لعيالي..
ولبصَّه ف وشك..
والقعده على الطبلية في صحن الدار..
ولسيرة الأهل وحواديتك..
وحكاوي جبلاية الفار..
لكن ..
مش مشتاق بعد ما رجلي دلوقتي سنه..
لَبِدْت في حديد البوندوزر..
إزاي أغرسها في طين الزرع؟
ولو انهم بيقولوا هنا ..
إن المسأله سنه ولا اكثر..
والعمال راح تمشي..
إنما أنا لاستاذ طلعت عيني خلاص ..
إن خلص السد حاروح وياه..
مشروع الكهربا..
أي مكان ..

مش حاطلع منه ولو فرغوا في ضلوعي رصاص.

قال آجي ..

آجي كيف ..؟

هوه تترك السد يا فاطنه ده .. بالكيف ؟

إنتي لبسه فاكراني هنا في أسوان ..

غريب ع الحته .. وضيعف ..؟

الل مخوفني .. من الجيه حداكم ..

لا اتبعتر .. بين الراحة وخلو البال والجهل ..

وبين المعرفة والعلم اللي دخل دمي .

وان سألوكي حراجي ما بيعجش ليه ..

نكرك .. وألاً يا فاطنه الموضوع إيه ؟

ليه الجبلايه ما عادش هواها ..

يهفّ عليه ..؟

قولي حراجي بتاعكم راح

خديته مني مداوير ميت ريّاح ..

وحراجي بتاع أسوان ..

بلده ف اسوان ..

مرته وولده في اسوان ..

إتربي في الأنفاق ..

ولعب في المصغرين الولدات ..

في جنائن الصوان .

وان قالوا عليا أهبل مجنون..

يمكن هم الحق معاهم ..

لكن أنا لا

أنا اهاود الحق الي أشوفه

مش حق تشوفه عيال الناس .

عرقى مبدور في الصخر ..

مبدور في الدفا والشمش يا ناس ..

قاعد أراعيه

قولي يا فاطنه قاعد يراعيه

أغلى ما عندي زارعه في جبال اسوان.

شايفه بعين العمر .. يكبر ..

شايفه بيخضر وتزهرة فيا فيه .

كيف ابني بيت ما سكنشي فيه ؟

أدلق فيه الأيام من غير عد..

أدبح فيه الجهد وعرقى من غير حد..

ويقولوا امشي ..

أضحك ضحكة كدابة .. واطاطي ..

واهجر زرعي للدود يرعالي فيه ..؟

لا يا فاطنه ..

أنا خدام السد ..

ده أنا أطلق دقني واتصوف ..

واعمله خلوه.. واتعبد فيه .

إنما وكيان ..

علشان اللي عرفته

واللي دفعته علشان أتعلمه هنا تحته.

عرفت العشرة .. والخوة ..

والكون اللي فتح لي .. شباك لياليه .

أتفرج منه عليه .

أعرف كيف النبي آدم قطع الطرقات ..

مات .. حيي ومات ..

ومشى السنوات .. أوفات تسحب أوفات ..

علشان يعرف ..

وعرف ..

والوقتي اللي عرفه .. يرميه ..؟

ما تحييش .

حراجي عرف السر يا فاطنه ..

عرف السر .

عرف المعنى الثاني للخير والشر .

عرف المعنى الثاني .. للحب .. وللبر .

كشف الكشيتينه وشاف ..

الشوف خلاه اشتقوى ..

وخلاه خاف .

خاف م المشوار بين البليارد ..

وبين .. اللقمة الخاف .
 بين الكلمة وبين نفس الكلمة .
 حراجي شاف ..
 واما شاف .. خاف
 حراجي لو لف الدنيا .. والآخرة .. وطاف ..
 لم كان اتعلم ولا شاف ..
 زي ما شاف .
 واما شاف السكة وقع في الحزن .
 ورقه وقع منه في الشتا ..
 واتعري لمسامير البرد وزعق الرياح .
 وحراجي ما يعرف ..
 إن كان بالي عرفه .. مليح
 ولأ كان في البدء مليح ؟!
 الجهل مُريح يا فاطنه .. الجهل
 مريح .
 عدم العلم مليح يا ام ولادي
 يا إنسانة زي الناس .
 عدم العلم عيون تنعس في الليل ..
 ضحكة من القلب ..
 من القلب صحيح .
 عدم المعرفة بيخلي الرجال عيال ..
 يضحكوا .. يبكوا .

ودايما للدنيا طعم جديد .
لكنّ العلم يا فاطنه يلبّسنا ناضور..
ويحطنا في النور
نوعي لكل الحاجة .. مرة واحدة ..
ونعرفها ..
مهمن نمشي فيها ..
ما يقابلنا شيّ جديد .
تقع الضحكة
والقلب ما يبهّجش ..
لا في الضلّة ولا الشمس .
لما يكون الكون كله مفهوم ..
الخير والشر
الأيد الممدودة دُعا
والإيد الممدوده تداري الحر
والإيد الممدودة تولّع لنضة
والإيد الممدودة ضَرَّ..
يصبح للدنيا طعم وحيد..
ما عرف ماسخ .. عادم .. ولّا مالوش طعم..
لكنّه يا فاطنه طعم حزين ..
حزنه ما يتغيرش ..
زي غنا الطين .
يتحبس الإنسان في العلم وحيد ..

خالي .. حياته فاضيه فاضية ..
 زي المساجين .
 الدنيا علم
 والعلم او حش ما ف راسه .. انه ما يعرفني
 ايه طعم حلاوة الحلم
 العلم يحقق لاحلام ..
 لانه ما بيعجش يبقى فيه في الدنيا .. حلم .
 وانا متقدر لي اعرف .. يا مرقى .. واشوف ..
 وأدوق خوف الإنسان ..
 لما تبقى الدنيا مربوطه في رقبتة
 مستول منه الكون ترجع له حلاوته .
 وتضيع منه مرارته
 في زمن
 لم عدنا بنقبض م الكون .. إلا مرارته .
 وآدبني ..
 زي الصحن الصيني المشقوق ..
 حلو .. لكنني حزين ..
 لا باغني ولا باحلم ببيكم
 وبافكر فيكم من ضمن التائين .
 بعد ما ايدي لمست سكك الحق
 وسكك صاحب الحق
 وسكك المحقوق .

وحسبت الدنيا بنفسي .. أنا الغلبان ..

باحسب مزانقها ونخاييها وكل ما فيها

ويصعب على قلبي .. الإنسان .

كيف جه متفطع الأرض حَوَان ..

كيف أصبح ..

كيف أمسى .. لا حوان .. ولا شيء له شان .

إمتى حَكَم الإنسان الدنيا ..

وإمتى الدنيا قدرت على حَكَم الإنسان ..

ناس تبقى شجرة .. وناس تبقى مصاييح ..

أقوى من الريح ..

وناس .. تبقى ديدان ؟ ..

ناس بتحارب ناس ..

ناس بتموت ناس ..

ناس بتحارب ناس مش عارفه بتموت ليه ..

وناس بتموت حيه .. علشان ..

ما بترضا شي تموت يا فاطنه لاجل تعيش .

وناس بتموت قبل ما تعرف

الدنيا دي إيه .. ؟ والحرب دي إيه

ناس .. محبوسة في سجون .

وناس .. محبوسة في بطون .

وناس .. علشان عيايلهم بس

يقتلوا ملايين ..

من عيايل الناس .
 ناس تمشي طول العمر
 شايله على كتوفها هودج فيها ناس
 من أثقل ناس .
 ناس م النوع الي ما بضحكش ..
 تصرخي مهمن تصرخي .. ما يسمعش ..
 وان يسمع .. ما يستعناش .
 بيني الإنسان الحاجة ولما تكبر ..
 يهرب عنها ..
 ويخاف عنها ..
 ويوهم نفسه إنه ما عملهاش .
 يحكمه بيها الي ما عملها .
 يهده بالشئ الي بناءه ..
 وده يمشي .. وده رجله لسه واقفه .. ما نقلهاش .
 ولا ده يموت .. ولا ده ..
 العايش ..
 عاش ..؟!
 أمر غريب ويجازي السد العالي يا ناس ..
 علمني الدنيا لكن سابني ..
 ع الباب .. محتاس .
 لم عارف أدخل فيها ..
 ولا عارف أطلع منها ..

وكيف تعرف تنجي القضبان

مش عَجَل القشاش.؟؟

حاقعد..

وان مشوا السد حاسير وياه..

كهريا .. طرقات..

راح اسير وياه.

حاعرف.. واحزن..

لازم أحزن..

يمكن حزني يوصلني لحاجة..

ويرسيني في بر.

وان سألوكي حراجي..

قولي حراجي.. خلاص..

بقي خدام.

يقولوك خدام حدا مين..

قولي مش حدا حد..

حدا السد العالي..

وقولي لعيد..

غصبن عنك راح تتعلم..

تكتب لخراجي جواب واتنين.

أصله يا فاطنه خير روح على فين..

مساكين اللي جاين ..

مضطرين يعرفوا مننا إحنا ..

سر الدنيا .. وسر النجم ف لياليها المجانين.

وكفاية عليكي انتي جوابات .

ابقي اعرفي ما جرى لحراجي ..

من خطاباتي لعيد ..

إدي جهدك لولادك وولادي ..

وازرعي كرمك خُضره واسقي النخلات ..

واتعلمي زبي .. الدنيا ..

مش م السد .

إنما من كرمك .. إلكرم ..

اللي قام ثاني صاحي للدنيا ..

بعد ما مات .

بُصِّي ف موضوع البير .. والبكره ..

والملوخية .. والكمون .. والشيخ حَنْضَل ..

والقول .. والروح والجِيّ ..

وموضوع إلكرم ده كيف قام حي

حتشوفي زبي يا فاطنه الدنيا

الدنيا دايا

ممکن تتشاف .

وعشان تتعلمي كيف لما الروح تعرف ..

القلب يخاف .

أما موضوعي بالتفصيل ..

فده قدامك عمر طويل

علشان تدركي أمري.
أبقى اعرفي كل القصة..
ف جواباتي لعيد..
دلوقتي تعبتي..
ونفسي أنام لي نص نهار
من غير ما يصحيني حد..
ولا يقل مزاجي..
علشان اصحى فايق تاني
واعرف اقابل الدنيا.

زوجك
لوسطى حراجي

[illegible][illegible]

- ۱۷۳

- ٧٣ - جبلاية الفار (الرسالة ١٤)
- ٧٩ - أسوان (الرسالة ١٥)
- ٨٧ - جبلاية الفار (الرسالة ١٦)
- ٩٥ - أسوان (الرسالة ١٧)
- ١٠٣ - أسوان (الرسالة ١٨)
- ١١١ - جبلاية الفار (الرسالة ١٩)
- ١١٩ - أسوان (الرسالة ٢٠)
- ١٢٩ - جبلاية الفار (الرسالة ٢١)
- ١٣٧ - أسوان (الرسالة ٢٢)
- ١٥٣ - جبلاية الفار (الرسالة ٢٣)
- ١٥٩ - أسوان (الرسالة ٢٤)

- ١٦٧ - أسوان (الرسالة ٢٥)
- ١٧٥ - أسوان (الرسالة ٢٦)
- ١٨٣ - أسوان (الرسالة ٢٧)
- ١٩١ - أسوان (الرسالة ٢٨)
- ٢٠٠ - أسوان (الرسالة ٢٩)
- ٢٠٨ - أسوان (الرسالة ٣٠)
- ٢١٦ - أسوان (الرسالة ٣١)
- ٢٢٤ - أسوان (الرسالة ٣٢)
- ٢٣٢ - أسوان (الرسالة ٣٣)
- ٢٤٠ - أسوان (الرسالة ٣٤)
- ٢٤٨ - أسوان (الرسالة ٣٥)
- ٢٥٦ - أسوان (الرسالة ٣٦)
- ٢٦٤ - أسوان (الرسالة ٣٧)
- ٢٧٢ - أسوان (الرسالة ٣٨)
- ٢٨٠ - أسوان (الرسالة ٣٩)
- ٢٨٨ - أسوان (الرسالة ٤٠)
- ٢٩٦ - أسوان (الرسالة ٤١)
- ٣٠٤ - أسوان (الرسالة ٤٢)
- ٣١٢ - أسوان (الرسالة ٤٣)
- ٣٢٠ - أسوان (الرسالة ٤٤)
- ٣٢٨ - أسوان (الرسالة ٤٥)
- ٣٣٦ - أسوان (الرسالة ٤٦)
- ٣٤٤ - أسوان (الرسالة ٤٧)
- ٣٥٢ - أسوان (الرسالة ٤٨)
- ٣٦٠ - أسوان (الرسالة ٤٩)
- ٣٦٨ - أسوان (الرسالة ٥٠)



إنه الديوان الوحيد في دواويني الذي إذا ما طرح في الأسواق لا تعود إلى منه نسخة واحدة، فالناس معه على انتظار دائم. يذهبون إلى أمسياتي الشعرية رغبة في سماع "حراجي". ولا يمكن تجاهل القراءة منه بين الجمهور وإلا عوقبت.

ربما أدائى لشخصيتى "فاطنة وحراجى" وتلك العاطفة الفطرية القوية التى كشفت عنها الرسائل المتبادلة بينهما هو الذى ربط الجماهير بهذا العمل فكأنى كنت أجسد بأدائى الحالات المتباينة للعاطفة بين المحبين فى لحظات الاقتراب والغربة والسعادة والشقاء. وربما لأن اللغة التى نطقت بها الشخصيات كانت اللغة الحقيقية لذلك النوع المستقر من المشاعر فى ضمائر أهل الصعيد الفقراء.

حنين

ISBN# 9789779110653



6 221149 044081